

4583

I

1898

491.99-8

S-46

1898. № 365.

882

Ն. ՏԵՐ-ՂԵՒՈՆԴԵԱՆ

ՄԱՅՐԵՆԻ ԼԵՂՈՒ

ԱՌԱՋԻՆ ՏԱՐԻ

Ա. Յ. Բ. Բ. Ե. Ն. Ա. Ր. Ա. Ն.

Ե Ի

ՍԿԶԲՆԱԿԱՆ ԸՆԹԵՐՑԱՐԱՆ

ՄԱՆՈՒԿՆԵՐԻ ՀԱՄԱՐ

БИБЛИОТЕКА
ИСТОРИКО-
ЭТНОГРАФИЧЕСКАЯ
Ленинградского
Университета
СССР

266

Համընկերորդ տիպ

ՏԵ 2002

ՊԱՏԿԵՐՆԵՐՈՎ, ԵՒ ԳՐԶԱԳԻՐ ԱՅՐՈՒԲԵՆՈՎ



Թ Ի Ֆ Լ Ի Ս

Արագատիպ Մո. Մարտիրոսեանցի
Միջայլեկան փողոց, տուն № 81.
1898

2010

491.99-8
S-46

arm
1178
491 998
5-46

1178

Ն. ՏԵՐ-ՂԵՒՈՆԴԵԱՆ

ՄԱՅՐԵՆԻ ԼԵԶՈՒ

ԱՌԱՋԻՆ ՏԱՐԻ

Ա Յ Բ Բ Ե Ն Ա Ր Ա Ն

Ե Ի

ՄԿՁԲՆԱԿԱՆ ԸՆԹԵՐՑԱՐԱՆ

ՄԱՆՈՒԿՆԵՐԻ ՀԱՄԱՐ

ՀԱՅԿԱՍՏԱՆԻ
ԳՐԱԳԻՏՈՒԹՅԱՆ
ԻՆՏԻՏՈՒՏ
Արխիվայ
СССР

Ըսանենքորդ տիպ

ՊԱՏԿԵՐՆԵՐՈՎ ԵՒ ԳՐՁԱԳԻՐ ԱՅՐՈՒԲԵՆՈՎ



Թ Ի Ֆ Լ Ի Ս

Արագատիպ ՄՆ. Մարտիրոսեանցի
Միլայելեան փողոց, տուն № 81.
1898

Յ Ա Ռ Ա Ջ Ա Բ Ա Ն

ՏԱՄՆԵՒԻՆՆԵՐՈՐԳ ՏՊԱԳՐՈՒԹԵԱՆ

«Մայրենի Լեզու»-ի Առաջին Տարին տասնևիններորդ անգամ տպագրութեան ենք տալիս:

Այս անգամ գրքիս մէջ, նախընթաց տպագրութիւնների համեմատութեամբ, հետևեալ փոփոխութիւններն ենք մտցրել.

1. Գրքի այբբենական մասը նորից ենք խմբագրել: Այս խմբագրութիւնն անելով, աշխատել ենք՝

Ա. Որ բոլոր օրինակելի բառերը բարոյախօսութեան նիւթը կազմող առարկաներից առնուած լինին.

Բ. Որ տառագիտութեան ժամանակ նման հնչիւնները, որքան հնարաւոր է, յաջորդաբար համեմատուին միմեանց հետ.

Գ. Որ գրագիտութեան սկզբում, երբ մանուկները գործ ունին հնչիւնների նշանագրերը սովորելու հետ, կարդալու համար առաջարկուած բառերը, որքան հնարաւոր է, պարզ լինին թէ հնչական կազմութեան և թէ նշանակութեան կողմանէ:

2. Գրքի մէջ աւելացրել ենք բազմաթիւ նոր պատկերներ և հին պատկերներից մի քանիսը փոփոխել ենք.

3. Այբբենական մասի վերջում դրել ենք գրութեան օրինակներ— չորս երես: Առաջին երկու երեսները կազմուած են այն բառերից, որոնք այբբենական տպագիր մասի մէջ առաջարկուած են որպէս նիւթ վերլուծութեան: Այնպիսով ուսուցչի կամքից ու հմտութիւնիցն է կախուած կարդալն ու գրելը զուգակից անել միմեանց: Եւ որովհետև գեղեցիկ ու վայելուչ գրելու համար հարկաւոր է երկարատև վարժութիւն, ուստի անմիջապէս վերլուծանելի բառերից յետոյ դրել ենք գրաւոր այբուբենը և մի քանի թեթեւ վարժութիւններ անջատ գրութեան համար: Վայելչագրութեան դասերը պիտի շարունակուին և՛ երկրորդ ու երրորդ տարիները, եթէ կարելի է, լեզուի դասերին կից, ուրիշ խօսքով՝ ամենայն բան, ինչ որ գրում է աշակերտը, պէտք է գրէ վայելուչ կերպով և, աշակերտի գրաւոր աշխատութիւնները գնահատելիս, ուսուցիչը անխափան պիտի նշանակէ և՛ գրութեան վայելչութեան չափը գնահատող թուանշան:

4. Բարոյակրթական առակները, որոնցից առնում ենք վերլուծանելի բառերը, մինչև այժմ ցրուած էին գրքի զանազան երեսներ

Доз. цензурою, Тифлисе, 18 Февраля, 1898 года.

49818- ահ



36373. 66

բում. այս անգամ մենք նրանց գետեղել ենք գրքի այբբենական մասից յետոյ: Այդ առակները, որոնց բովանդակութիւնը լիովին յայտնի է մանուկներին, կարող են և պէտք է սկզբնական ընթերցանութեան նիւթ լինին մանուկների համար «Այբբենարանից» յետոյ:

—Սորա են այբբենական մասի համար առաջարկուած բարոյա-կրթական առակները և նրանցից առնուած օրինակելի բառերը վերլուծութեան համար: ա. Ագահ շուն. բ. Հունը և էշը. գ. Սազը և Բազը. դ. Հաւը և Չագերը. ե. Մուկն ու Կատուն. զ. Կողմի Ծառն ու Եղէգը. է. Ողնին և Օձը. ը. Ոչխարն ու Գայլը. թ. Կաթնատու Կով. ժ. Փիղը և Քոթոթը:—Ահաւասիկ և օրինակելի բառերը այն կարգով, ինչպէս նորա առաջ են բերուած գրքի մէջ:

ա. շուն—չ, ու, ն.	դ. հաւ—հ, լ.	է. ողնի—ո, գ.
միս—մ, ի, ս.	ձագ—ձ.	օձ—օ.
ջուր—ջ, բ.	ցին—ց.	
		ը. ոչխար—չ, խ.
		պանիր—պ.
		կաթ—թ.
բ. սագ—ա, գ.	ե. մուկը—կ.	
բազ—բ, դ.	կատու—տ.	
լիճ—լ, ճ.		թ. կով—վ, լ (իւ).
	գ. կողմի—դ.	ժ. փիղ—ֆիլ—փ, ֆ.
գ. շունը—ը.	ծառ—ռ.	քոթոթ—ք.
էշը—է.	եղէգ—ե.	ժանիք—ժ.

Վերջին դասը (յոպոպ) կազմում է յ տառը և նրա այլ և այլ գործածութիւնը բառի մէջը և վերջը: Ապա գալիս են մի քանի վարժութիւններ ու, եւ, եա վանկերով և գրքի այբբենական մասը վերջանում է:

Ուսուցչին մեր եղանակի առանձնութիւններին ծանօթացնելու համար՝ առաջ ենք բերում մի դաս իւր բոլոր մանրամասնութիւններով:

ԱՌԱՋԻՆ ԴԱՍ—շուն:

1. Բարոյախօսական մասը՝

Ուսուցիչը պատմում եւ պատմել է տալիս «Ագահ շուն» վերնագրով բարոյախօսական առակը (Այբբենական մասի առաջին լուծուածը):

2. Իրազննական մասը՝

Զրուցատրական ձեւով եւ հարցմունքների միջնորդութեամբ ծանօթացնում է շանը—առարկային:

Զրուցատրութեան արդիւնքը պէտք է մօտաւորապէս հետեւեալը լինի.

«Չունն ապրում է տանը. նա ուտում է հաց և կաթը, բայց աւելի սիրում է միս. նա ընտանի մսակեր կենդանի է: Չան մարմինը կազմուած է չորս մասից՝ գլուխ, պարանոց, բուն, ոտներ: Չան գլխի վրայ մենք տեսնում ենք՝ բերան, քիթ, աչքեր և ականջներ: Չան գլուխը միացած է բնի հետ պարանոցով. նրա բունը կոլոր է: Բնի վրայ չունը կրկար պոչ: Չան ստորին մասերը կոչւում են ոտներ. յետեր նա ունի երկար պոչ: Չան խրաքանչիւր ոտը բաղկացած է երեք մասից՝ նա ունի չորս ոտը. իւրաքանչիւր ոտը բաղկացած է երեք մասեր՝ ազդը, ոլոզ և թաթ. ամեն մի թաթի վրայ չորս-չորս մատներ ունի, որոնք զինուած են սուր-սուր եղունգներով—ճանկերով: Ոտներին նայելով՝ չունը չորքոտանի կենդանի է կոչւում. Իր սուր ժանիքներով չունը կծում է մարդկանց. դրա համար նրանից վախենում ենք: Չունը իւրաքանչիւր ծնօտի վրայ երկու ժանիք ունի:

3. Կարդալու վարժութիւն, որ ունի չորս ստորաստիճաններ. ա. Վերլուծութիւն բառի.

Ուսուցիչը վերլուծում է առարկայի անունը—շուն:

Մենք նախընթաց դասի մէջ զննեցինք շունը իբրև առարկայ, իսկ այժմ կը քննենք նրա անունը—շուն—իբրև բառ: Իբրև առարկայ զննելու միջոցին, մենք նայեցինք շան վրայ, մենք դիտեցինք նրան աչքերով. ուրեմն զննութիւնը կատարեցինք տեսանելիքի միջնորդութեամբ: Իսկ այժմ շունը չկայ այլևս, մենք կամենում ենք խօսել նրա անունը—շուն բառի վրայ: Արդեօք առարկայի անունը նոյնպէս կա-րելի է զննել տեսողութեան միջնորդութեամբ:—Ո՛չ: Ուրեմն ինչպէս կամ ինչի միջնորդութեամբ զննենք շուն բառը:

—Մ'յ ինչպէս: Երբ մենք զննեցինք շանը իրան, նա մեր աչքի առաջն էր, մենք նրան տեսնում էինք աչքով, իսկ այժմ շան հետ էլ մենք գործ չունինք. այժմ միայն պէտք է իմանանք, թէ ինչպէս է մար պէտք է լաւ լսենք.—2 2 2 ու ու ն (կրկնում է մի քանի անգամ): Դէհ, ականջներդ լաւ սրեցէք և ինչ որ կ'ասեմ, լաւ լսեցէք.—ՇՇՇ (կպցնում է հնչիւնը միմեանց առանց ը տառի օգնութեան և արտա-

սանում է նրան ատամների արանքից). բոլոր բանն ասացի: Պետրոս, ասած միևնույն հնչիւնը: Սարգիս, դու ասած: Արամ—դու... Ասացէք ամենքդ խմբովին: Այժմ լաւ լսեցէք. կարող եմ բաց բերանով և պարզ ու երկար ձայնով արտասանել այդ հնչիւնը: Փորձենք (փորձել է տալիս): Ուրեմն շ խուլ ձայն է. նա դժուար է ասուում:

Լաւ լսեցէք այժմ:

Շ ս ռ ս ռ ս ռ: Այժմ բոլոր բանն ասացի:—Ոչ. կէսը, միայն երկու մասը, երկու հնչիւնը: Այժմ դու ասած, Հայկ. դու, Կարապետ. ամենքդ միասին ասացէք: Վարդան, ասած առաջին հնչիւնը. Արամ, ասած երկրորդը. Մկրտիչ, կրկնիր երկուսն էլ, ձգիր մինը միւսի յետևից. այժմ կարճ ասած: Լաւ, հիմա լսեցէք. դուք տեսնում էք, որ երկու հնչիւնը կարելի է ձգած ասել—222 ու ու ու և կարելի է կարճ. ասել—շու: —Այժմ դու, Յովհաննէս, ձգիր հնչիւնները միմեանց յետևից, ասած նրանց կարճ, կպցրած:—Մինաս, ասած միայն առաջին հնչիւնը: Մկրտիչ, դու երկրորդն ասած: Յուլի, ասած երկրորդը, յետոյ առաջինը. ձգիր, կպցրու: Ասացէք միասին երկրորդ հնչիւնը, ապա առաջինը. ձգեցէք. այժմ կարճացրէք. ինչ ստացանք (ուշ): Ի՞նչ է նշանակում ուշ: Այժմ լսեցէք նորից՝ շուշուշ: Հիմա բոլոր բառը ձգեցիք, թէ էլի բան մնաց: —Բոլորը:—Ուրեմն բանի ձայն կայ շուշու բառում: Ասած, Արամ, առաջինը. դու, Կարապետ, երկրորդն ասած. ձգիր, այժմ կպցրու: Մինաս, ասած երրորդը՝ երկրորդը, առաջինը: Հայկ, ձգիր Մինասի ասած բոլոր հնչիւնները երկար. կրկնեցէք ամենքդ. այժմ կարճացրէք. ինչ ստացանք, Գարեգին:—(Նուշ): Ի՞նչ է նշանակում նուշ:

Զրուցատրուծեան հետեւանքը լինում է այն, որ աշակերտները որոշում են եւ վերլուծում հնչիւնները շուշու, ուշ, թուշ բառերում:

բ. Հնչիւնների համեմատութիւնը:

Այժմ քննենք ամեն մի հնչիւնը առանձին:

—Քանի հնչիւն կայ շուշու բառի մէջ: Ո՞րն է առաջինը, ո՞րն է երկրորդը, երրորդը:—Այդ հնչիւններից ո՞րն է աւելի պարզ ասուում, իսկ ո՞րն է խուլ ասուում:

—Լաւ. ուրեմն ու պարզ է ասուում, նրան կարող ենք հեշտութիւնով ձգել—արտասանել, նա որոշ ձայն ունի, իսկ շ և ն խուլ ձայն են հանում, նրանց հեշտութիւնով ձգել, պարզ ու բարձր արտասանել չենք կարող. նրանք դժուար են ասուում, կ'ասես թէ խեղդում են ատամներից արանքում:

Ուրեմն այդ հնչիւններից մէկին մենք կ'անուանենք ձայն ունեցող—ձայնաւոր, իսկ միւսներին կ'անուանենք ձայն չ'ունեցող—բաղաձայն:—Ո՞րն կ'անուանենք ձայնաւոր հնչիւն: Գարեգին. իսկ ո՞րոնց ենք ասում բաղաձայն հնչիւններ, Հայկ: Ասացէք ամենքդ ձայնաւոր հնչիւնը. այժմ առաջին բաղաձայն հնչիւնը.—այժմ վերջինը: (Ուսուցիչը պէտք է աշխատէ, որ շ և ն հնչիւնները արտասանելիս, ը ձայնը չ'կպցնեն նրանցից, այլ արտասանեն ատամների մէջ. ն հնչիւնը պէտք է արտասանել երկու ը-ի մէջ, միայն առանց ը-երի ձայնը զգալի կացուցանելու. միևնույնը պէտք է իմանալ և միւս բաղաձայների մասին այսուհետեւ):

գ. Ծանօթ հնչիւնը անծանօթ բառերի մէջ.

«Այժմ լսեցէք, տղայք, թէ ինչ բառ կ'ասեմ ձեզ.—ծուկ: Ի՞նչ բառ ասացի, Կարապետ: Կրկնիր, Մկրտիչ...—այժմ մտածեցէք, թէ այս բառի մէջ չկայ արդեօք ձեզ ծանօթ հնչիւններից. ո՞րն է, Յովհաննէս: Իսկ կուտ բառի մէջ ի՞նչ ծանօթ հնչիւն կայ: Ի՞նչ ծանօթ հնչիւն կայ էշ բառի մէջ. իսկ տուն, սան, նոր բառերում:

—Ո՞վ կարող է իրանից այնպիսի բառ ասել, որի մէջ լինի ու հնչիւնը: Ասած, Հայկ. դու ասած մի ուրիշը Գարեգին: Մտածեցէք այնպիսի բառ, որի մէջ լինի շ հնչիւնը... Այժմ այնպիսի բառ գտէք, որի մէջ լինի ն հնչիւնը...

—Լաւ, հիմա կրկնենք բոլորը. քանի հնչիւն գիտենք մենք. ինչպէս անուանեցինք ու հնչիւնը. ինչպէս ենք անուանում շ և ն. ինչի ենք այդպէս անուանում: Ի՞նչ կ'ստանանք, եթէ ձգենք շ և ու, իսկ եթէ կպցնենք: Ինչ կ'ստանանք, եթէ ձգենք ն, ու, շ. իսկ երբ կպցնենք. ինչ է նշանակում նուշ: Քանի բառ կարող ենք կազմել շ, ու, ն հնչիւններից (երեք—ուշ, շուշ, նուշ—ուշ ու նուշ):

դ. Գրելու վարժութիւն.

Աշակերտները գրում են այն վարժութիւնները և ապա, աստիճան առ աստիճան, նաև այն տառերը, որոնք առաջ են բերուած «գրչագիր» մասի մէջ իւրաքանչիւր բառի համար: Միևնույն բարոյախօսական առակից վերցրած երկրորդ և երրորդ բառը՝ «միս» և «ջուր» պէտք է վերլուծել նոյն ձևով, ինչպէս «շուն», բայց աւելի համառօտ ու ամփոփ, որովհետև վերլուծութեան գաղտնիքը առաջին դասից արդէն յայտնի է մանուկներին:



ԱՌԱՋԻՆ ԿԻՍԱՄԵԱԿ

Ա Յ Բ Բ Ե Ն Ա Ր Ա Ն

շուն—ու, շ, ն.

ու, ուշ, ուն, նու, նուշ, շուն.
ուշ ու նուշ. շուն ու նուշ.

միս—ի, ս, մ.

իմ, մի, մին, ուս, ում, շիշ.
շուն ու միս. միս ու շուն.

ՋՈՒՐ—Ջ, Բ.

ուր, ուշ, ուս, ում, իր, իմ, սուր, մուր, շիշ
սուս, միս. ունիմ, ունիս, ունի. շուն ունիմ.
միս ունիս. նուշ ունի.

II.



ՋՈՒՆՐ—Ր.


ըն, նր, ըշ, ըբ, ըմ, մր, ըս, սր, ըջ, ջր, ըբ, ըբ.
շունը, միսը, ջուրը, նուշը, սուրը, մուրը, շիշը.

ԷՂ—Է.

էշ, էս, էն, էր, էջ, ուշ, ուս, ուր, ում.
նուշ, շուն, շէն, մէջ, սէր, սուր, իր, մին.

Շուն. Նուշ. Միս. Սուր. Զուր. Էշ. Էմին.

III.



ՍԱԳ—Ս, Գ.

աս, սա, ան, նա. սան, շար, գամ, գաս, մաս.
սուր, մուր, մուգ. իմ, միս, գիր, գին, աջ, էջ.
գինի, գարի, անուն, անուշ, աշուն, շուշան.
Անուշ, Գարուն, Սարգիս, Սիրուն, Շուշան.

բաղ — բ, ր.

բան, ջան, բազ, բաշ, դաս, սա, սար, սարդ.
բու, բուն, դու, դուր, դուրս, մուր, սուր, ջուր.
գաջ, գիր, արի, բարի, գարի, մարի, դարբին.

Դու բաղ ունիս: Նա ունի սագ:
Դու ունիս բաղ: Նա սագ ունի:
Բաղ ունիս դու: Սագ ունի նա:

լիճ — լ, ճ.

սա, սար, սալ, լալ, լար, գալ, բալ, շալ, լուր, Լիճ.
ճար, ճաշ, ճանճ, սուրճ, մաճ, մուրճ, ճրագ,
ճագար, ճիճու, գրգալ, լուսին, գնալ, գալ, մնալ.

ա, ու, ի, է, ր, շ, ն, ս, մ, ր, ջ, Գ, Բ, Գ, Ե Ե Ն Ճ.

Ա, Ի, Է, Ը, Շ, Ն, Ս, Մ, Բ, Զ, Գ, Բ, Դ, Լ, Ճ.

IV.



հալ — հ, ւ, չ, Ի.

հա, ահ, բահ, շահ, մահ, գահ, ջահ, հուր, գէշ.
նա, նաւ, դա, դաւ, բան, բաւ, դու, դուր.
հաւան, սաւան, դիւան, հալաւ, ասաւ, հասաւ.

ճագ — ճ, Զ.

ճի, ճու, ճիգ, ինճ, հունճ, հունդ, գունդ, գանճ,
սանճ, սինճ, ճագար, ճագար, ճաւար, հիւանդ.

ցիւն—ց, Յ.

հա, հաւ, ցաւ, նաւ, հաց, հունձ, հունց, ցան, ցուլ, ցից, հին, գին, բաց, լաց, լից. Յին—ուրուր.

Գնացի, գնացիր, գնաց:
Մնացի, մնացիր, մնաց:
Ասացի, ասացիր, ասաց:

V.



մուկ—կ, Կ.

էս, կէս, գէս, գէշ, կալ, գալ, կիր, գիր. կար, գար, արջ, կարճ, մէկ, մէգ, կարի, գարի. գարուն, կարիճ, կացին, Չուիկ, Ընձակ, Կարին.

կատու—տ, Տ.

կուտ, աուտ, սուտ, շուտ, ճուտ, մատ. լիճ, ջիլ, ճիտ, տանձ, գանձ, սանձ, ցանկ. կարագ, կարաս, կաւիճ, Տաճատ, Դատ.

մարտ, մարդ, տար, դար. տատ, դատ. տաշտ, դաշտ. տուր, դուր. տաս, դաս.

Կուտ	Անուշ	Ընտանի
Նուշ	Շուշան	Համբարձում
Շուն	Նաւակ	Գանձանակ
Տուն	Սարգիս	Սանասար
Նաւ	Մինաս	Արարատ
Կաւ	Ջանիկ	Դատաստան
Կէս	Սահակ	Իսկուհի
Տիկ	Գարուն	Բանական
Ճաշ	Բամբակ	Բաւական
Մատ	Դանակ	Ցաւազար
Սան	Լուսիկ	Բազարատ
Դաս	Ճակատ	Անուշաւան

VI.



Կաղնի — ր, Ղ.

աղ, աղուն, կաղ, կաղին, մաղ, մաղիկ, ուղի,
 ուղիղ, ջաղաց, ճաղատ, ճակատ, Ղուկաս.

Ժառ — ծ, ռ, Ծ, Թ.

ժալ, ժամ, ծիտ, ծիծ, ծիր, ճիր, ճագ, ծակ.
 ուր, ուռ, սար, սառ, դար, դառ, դուր, դուռ.
 կար, գառ, ծիրան, ծիծառ, ծարաւ, ծառուկ.
 գարուն, գառնուկ, Ծատուր, Թուրէն, Թուս.

Եղէգ — ւ, Ե.

ել, ելակ, եկ, եկաւ, ես, Եսաւ, եղ, եղան.
 եղն, եղնիկ, երգ, երկիր, երկար, երկու, Եւա.

էս, ես, էղ, եղ, ետ, էն, են, էգ, եկ, էլ, ել.
 էակ, ելակ, երակ, էրէ, էջ, էջ-մի-ա-ծին.

մէջ, մէկ, մէգ, շէկ, կէս, գեր, կէտ, սէր, տէր.
 կեր, սեր, հեր, բեր, նետ, նեղ, մեղ, մեծ, ծեծ.
 սեղան, բերան, գերան, ճերմակ, մեղու, ուղեղ.

Գրում եմ, կարգում ես, կարում է:

Ես գրում եմ, դու գրում ես, նա գրում է:

Իսահակը կարգում է դասը:

Անուշը կարում է հայաւ:

Նունուշը գնում է տուն:

Մինասը գալիս է ուսումնարան:

Ղուկասը ջրում է արար:

Ծատուրը սրբում է բագը:

Եսաւը ճաշ է ուտում:

Ջաւահիրը կար է անում:

Լուսիկը նամակ է գրում:

ԿՈ.



ոզնի — ո, Ո, զ, Զ.

ոտ, որ, ող, որա, ոգի, ոսկի, ոստիկ, Ոսկան.
զաւակ, ընկուզ, ընկեր, ընտիր, աւազ, ազատ,
զազան, զատիկ, ազգական, գաւազան, Զարեհ:

օճ — օ, Օ.

օղ, օր, օն, օշ, օդ, օտար, օգուտ, օրէն, օրինակ.

օր, որ, օդ, ոտ, օղ, ող, օձ, որձ, օրէն, որ-էն.
Տօր, Տոր, մօր, մոր, Տօտ, Տոտ, մօտ, մոմ.
աղօտ, աղոտ, արօտ, կարօտ, Տողոտ, բորոտ.

Սագ—սագեր—սագ էր: Զուր—ջրեր—ջուր էր:
Հաւ—հաւեր—հաւ էր: Գիր—գրեր—գիր էր:
Բաղ, նաւ, ծառ, մաղ... Հուն, տուն, սուր, թուր...
Շոր, հաց, ուղտ, տէր, բան... Սիրտ, միս, նուշ, բուրգ...

ԿՈՒ.



ոչխար — չ, Զ. խ, Խ.

խաղ, խաւ, խակ, խոզ, խոտ, խոց, սոխ, խունկ,
խուրձ, խիտ, խմոր, խաւար, խառատ, Խորէն.

չար, չոր, չանկ, մինչ, մանչ, չամիչ, չէչոտ, աչիկ,
կանաչ, կաչաղակ, ճախարակ, Խաչիկ, Զատի.

կաղ, կախ, ցեղ, ցեխ, աղ, ախ, աղտ, ախտ,
ճախ, ծախ, ճախ, ճաղ, մեխ, մեղ, սոխ, սող.
խաղող, խաղացող, աղախին, Աղասի, Ղարաբաղ.

Կաթ — կ, թ.


թաթ, թութ, թան, թուխ, թուշ, թող,
թի, թոկ, կոթ, թիւ, թել, թուզ, թումբ.
կանթեղ, գաւաթ, գաւիթ, Դաւիթ, Թոմաս.

տատ, դատ, թաթ, տուր, դուր, թուր.
տէր, դեր, թեր, մարտ, մարդ, մարթ.
տաս, դաս, թաս. մուտ, մութ. որդ, որթ.

պանիր — պ, Պ.

պար, պաս, պաղ, պապ, կապ, բան, պան,
բաղ, պատ, բանիր, պանիր, բարի, պարի,
բարակ, պարապ, կապիկ, կոպէկ, Պողոս.

Ես գրում եմ, դու գրում ես, նա գրում է:
Ես կը գրեմ, դու կը գրես, նա կը գրէ:
Ես գրեցի, դու գրեցիր, նա գրեց:
Օձը սողում է: Օձը սողաց: Օձը կը սողա:
Չուկը լողում է: Չուկը լողաց: Չուկը կը լողա:
Ոգնին ման է գալիս: Ոգնին ման եկաւ: Ոգնին ման կը գա:



կով — վ, Վ.

վար, վառ, վատ, վարդ, վեզ, վէճ, վեց, վեր,
վուշ, վիճ, վէճ, վերմակ, վիճակ, Վարդան.

կաւ, կաւիճ, հաւ, հաւատ, նաւ, նաւակ.
ցաւ, ցաւոտ, թել, թեւաւոր, թաւ, թաւիշ.

կով, հով, սով, բով, բարով, սրով, տարով.
թիւ, անիւ, ագնիւ, կոիւ, արծիւ, պատիւ.

ով, ովկիանոս, ովսաննա, Ովակիմ, Ովսիա.

իւ, իւր. թիւ, թիւր. անիւ, ալիւր. ազնիւ,
աղիւս. արիւն, ածիւն, աղբիւր, Կորիւն. մեծաթիւ,
մեծութիւն. բազմաթիւ, բազմութիւն:

Կովը կաթն է տալիս: Կաթը մէրում,
մածուն են շինում: Մածունը հարում,
կարագ են հանում: Կարագը հալում, իւղ
են շինում: Կաթը առողջարար խմելի է:

Ոչխար—ոչխարներ—ոչխարն էր:

Չաւակ—զաւակներ—զաւակն էր:

Ոսկի, ողնի, ցորեն, գարի, մատիտ, տետրակ...

Մանուկ, աղուն, գրիչ, բրիչ, կրակ, ճրագ...

Աշակերտը գրչով գրում է դասը:

Աշակերտը դասը գրչով է գրում:

Գերձակը շորերը կարում է ասեղով:

Գերձակը ասեղով է կարում շորերը:


Հորերն ասեղով գերձակն է կարում:

Տանտիկինը մածնից իւղ պատրաստեց:

Խոհարարը մսից կերակուր եփեց:



X.



փիղ—փ, Փ, Փ, Ֆ.

փռւփ, փակ, փոս, փոր, փող, ծափ, թեփ.
փափուկ, կանեփ, փետուր, փողոց, Փրկիչ.

փիղ—Փիլ. նաւթ—նաֆթ. փէս—Փէս. փլաւ—
Փիլաւ. փուրզօն—Փուրզօն. մափրաշ—մաֆրաշ:

Բր հայր, որ իրենիումն իս, սուրբ
 լինի ին անունը. գայ ին յազա-
 սորու թխեր, լինի ին կամքը իրերի
 Բրայ, ինչպիսի իրենիումն Բր
 աթևորիս իս հայր ցուր Բր սյառ.
 յոց Բր Բր սարցրի Բր ինչպիսի
 որ Բր յոցու Բր Բր սարցրա-
 պանի իր ինը. Բր փորցանի Բր
 տանի, այ փորի Բր չարից, որ
 ունի ցու ինն ի յազասորու թխեր
 ցորու թխեր և փառի այ Բր
 յա ի ցու փան:

յուրույ — յ. Յ.*)

Տարի, յարի, յարգ. Տարթ, յարդ. Տամբ, յամբ.
 Տետ, յետ. Տամար, յամառ. Տատիկ, յատակ.
 Տատու, յատուկ. յունայ, յիսուն, Յիսուս.

- ա) ա, է, վ, ճ, բ, ց, Նոյ, [Թէյ, Տէյ.
- բ) զաթայ, ծառայ, փեսայ, տեսայ, յետոյ, երեկոյ.
- գ) մայր, ճայր, այծ, կայծ, գայլ, այր, այրի, այգի.
- դ) քոյր, ծոյլ [Թոյլ, յոյս, բոյս, լոյս, Պարոյր, Վրոյր.

36373-66

Յիսուսն օրհնեց բարի մանուկներին:
 Մարդիկ չեն յարգում յամառ տղաներին:
 Հայրս հրաւիրեց ծերունի բահանային:
 Կայծը հրկեհեց խոտի դէզը:
 Գայլը պատառոտեց այծի ուլերը:
 Այս երեկոյ այգում [Թէյ կը խմենը:
 Մայրս մեզ համար զաթայ է [Թխում:
 Այրի կինը այծի կաթն էր ծախում:
 Քոյր ու եղբայր աշխոյժով խաղում էին:
 Ծոյլ տղան իր յոյսը դնում է ուրիշների վրայ:

*) յ տառը բառի սկզբում որպէս հ:
 ա—միավանկների վերջում որպէս կէս ի:
 բ—բազմավանկների վերջում մնում է համբ:
 գ—բառի մէջը բաղաձայնից առաջ (աի):
 դ—ո-ի հետ բաղաձայնից առաջ (ոյ):




ո, ւ—ու. եւ—և. ե, ա—եա.

ուշ, ուղա, ուղիղ, ուղեղ, ուրախ, ուրագ.
ձու, լու, բու, աղու, լեզու, առու, մեղու.
ձուի, լուի, բուի, լեզուի, առուի, մեղուի.
աղուէս, պատուէր, նուէր, Աստուած:

եւ—և. սեւ—սև. թև, արև, անձրև, տերև.
Տոգեակ, որդեակ, սենեակ, Արուսեակ, Երանեակ:

Առաւօտեան ես վարժարան եմ գնում:
Ժամը ութին մեր դասերն սկսում են:
Երեկոյեան պատրաստում եմ միւս օրուայ դասերը:
Քոյրս էլ ուսումնարան է գնում կարդալու:
Ծոյլերի նման մենք մեր յոյսը ուրիշների վրայ
չենք դնում:—Հայրս միշտ խրատում է մեզ,
որ մեր ժամանակն ի զուր չվատնենք:

Խելօր երեխան այսպէս պիտ' լինի՝
Կանուխ պիտ' գարթէ, շուտ քուն պիտ' մանի,
Պիտի չմաչէ սիրտը հօր ու մօր,
Դպրոց պիտ' երթայ, կարդայ ամեն օր:



Ամբողջ այբուբենը

ա, բ, գ, դ, ե, զ, է, ը, թ, ժ, ի, լ,
խ, ծ, կ, ճ, զ, ճ, յ, յ, ն, շ, ո,
չ, պ, ջ, ո, ս, վ, տ, ը, ց, ւ, փ, բ,
և, օ, ֆ:

ա, բ, գ, դ, ե, զ, է, ը, թ, ժ, ի, լ, խ, ծ, կ, ճ, զ, ճ, յ, յ, ն, շ, ո,
չ, պ, ջ, ո, ս, վ, տ, ը, ց, ւ, փ, բ,
և, օ, ֆ:

Ա, Բ, Գ, Դ, Ե, Զ, Է, Ը, Թ, Ժ, Ի, Լ, Խ, Ծ, Կ,
Չ, Ձ, Ղ, Ճ, Մ, Յ, Ն, Շ, Ո, Զ, Պ, Զ, Ռ, Ս, Վ,
Տ, Ը, Ֆ, Ի, Փ, Ք, Օ, Ֆ:



ՅՐՋԱՆ ԵՐԿՐՈՐԳ

ԲԱՐՈՑԱԿՐԹԱԿԱՆ ԱՌԱՎՆԵՐ ԵՒ ՄԱՆՐԻԿ ՈՏԱՆԱՒՈՐՆԵՐ

1. Ա Գ Ա Հ Հ Ո Ի Ն

Մի շուն կար: Մի օր այս շունը, մի կտոր միս բերանին, պիտի անց կենար կամուրջով: Անց կենալիս՝ ցած նայեց ջրին և տեսաւ, որ մէկ ուրիշ շուն գնում է ջրի միջով՝ բերանին բռնած մի մեծ մսի կտոր: Հան ազահուժիւնը շարժուեցաւ. նա ցած թռաւ կամուրջից և կամեցաւ միւսի ձեռքից խլել մսի կտորը:

Բայց ի՞նչ. ցած թռչելիս՝ իր բերանի կտորն էլ վեր գցեց, ջուրը տարաւ. ջրի մէջն էլ ոչ շուն կար, ոչ մսի կտոր. կենդանին խաբուել էր իր ստուերից: Ազահուժիւնը զրկեց նրան իր ունեցածից:

2. Հ Ր Ա Ի Է Ր

Եկէք, քարեկամք, եկէք,
Արագ արագ վազեցէք:

Դասի սեղանն պատրաստուած,
Դասագրքերն են ընթուած,
Ժամանակ է, վազեցէք,
Եկէք, քարեկամք, եկէք:

3. Է Հ Ը Ե Ի Հ Ո Ի Ն Ը

Էջը բարեկամացաւ շան հետ և խնդրեց, որ միասին ճանապարհ գնան: Հունը համաձայնուեց: Ճանապարհին երկու ընկերները մի խոտաւէտ տեղ կանգնեցին, որ հանգստանան. երկուսն էլ յոգնած էին, երկուսն էլ սոված: Էջն սկսեց ախորժակով արածել կանաչ խոտը: Հունն սւտելու բան չուներ:

— Ընկեր ջան, խուրջինումդ բաւական հաց կայ, ասաց նա էջին. տուր ինձ մի կտոր հաց. սոված մեռնում եմ:

«Խոտ շատ կայ այստեղ, կեր դու էլ ինձ պէս, ասաց էջը. հացը ես ուրիշների համար եմ պահում»:

Հունը հոտոտեց խոտը, պոկեց մի քանի հատ, ծամծամեց ու վեր ածեց.

— Ես խոտ չեմ կարող սւտել, էջ բարեկամ, ասաց շունը. այդ կերակրին ես սովոր չեմ. աղաչում եմ՝ մի պատառ հաց տուր, անօթի եմ:

Էջն այս անգամ ականջ էլ չդրեց շան աղաչանքին. նա աջ ու ձախ հնձում էր անուշ խոտը և ուտում:

Այդ միջոցին թփերի տակից երևեցաւ գայլը — իշի թըշ նամին. նա համարձակ դուրս վազեց անտառից, բայց երբ տեսաւ շանը, կանգնեց, գունչը երկարացրեց և տխուր ձայնով օղնաց:

Էջը զարհուրեցաւ. «Ի՞նչ սիրելի, իմ պատուական ընկեր, ասաց նա, անհրաժեշտ բոլոր հացը, կեր, անուշ արահ, չմիայն թէ ազատիր ինձ շար գազանի ատամներից»:

Ջուներ երեսը շուռ տուեց:—Դու արժանի չես, որ ես քո հացի պուռնկը կտրեմ, ասաց նա. քաղցածութիւնն ինձ չի սպանիլ. ես կը մտնեմ անտառը, կերակուր կը գտնեմ. դու էլ, եթէ կարող ես, գլխիդ ճարը տես:

Ասաց ու հեռացաւ շունը: Մի րոպէի մէջ գայլը պատառտեց էշին:

4. Ա Ր Ե Ի

Արեւ-արեւ, եկ, եկ,

Ջիզի քարին վեր եկ,

Մեր ոչխարին մտնիկ արա՛ւ,

Որ գայլը գայ իմաց արա՛ւ:

5. Ս Ա Գ Ն Ո Ի Բ Ա Դ Ը

Սագն ու բազը գնացին լճի ափը, որ համ մի փոքր լողանան, համ էլ ուտելու բան գտնեն: Լողացան, մարրուեցան, յետոյ յետ դարձան և սկսեցին իրար հետ զրոյց անել:

—Բազիկ, կցեց սագը, տեսնում ես, ի՞նչ շնորհալի թռչուն եմ ես՝ ջրումը լողում եմ, օդումը թռչում, գետնի վրայ էլ ման եմ գալիս. ասա, խնդրեմ, ինձ նման էլ կենդանի կայ աշխարհումս. ես բոլոր թռչունների թագաւորը չեմ:

«Ես էլ հէնց դրա վրայ էի մտածում, ընկերս, պատասխանեց բազը. կասկած չըկայ, որ դու շատ շնորհալի թռչուն ես. բայց ես էլ բեզանից պակաս չեմ. տես թէ ի՞նչպէս եմ սուրուր տալիս ջրի երեսին, խաղում փրփրուն ալիքների հետ, ի՞նչպէս եմ մտնում ջրի տակը, մանրիկ ձկներ ու ճիճուներ բռնում, նորից դուրս գալիս, ուռչում թագուհու պէս:

հա՛, հա՛, ընկերս, մենք շատ զարմանալի թռչուն ենք. մեզ նման շնորհքով կենդանի չկայ աշխարհումս:

Լճի ափին ծառի վրայ վէր էր եկել ագռաւը և ալկանջ էր դնում դրանց: Երբոր բազը խօսքը վերջացրեց, ագռաւը կանչեց. «Ա՛յ միամիտ թռչուններ, ինչի՞ էք հպարտանում: Կարող ես դու, սագիկ, շան պէս արագ վազել»:

—Ո՛չ, պատասխանեց սագը:

«Իսկ դու, բազիկ, ծիծեռնակի պէս թռչիլ կարող ես»:

—2եմ կարող, ասաց բազը:

«Իսկ ձեզանից ո՞վ կարող է լող տալ ձկան նման»:

Սագն ու բազը գլուխները կախ գցեցին:

Ուրեմն էլ ի՞նչի էք հպարտանում. ես կարծում եմ, ընկերներ, որ աւելի լաւ է, երբ մարդս մի բան գիտէ ու հիմնաւոր, քան թէ շատ բան ու բոլորն էլ թերի:



6. Բ Ա Դ Ի Կ

«Բա՛ղիկ—բա՛ղիկ,

Կարմիր թաթիկ,

Ո՛ւր ես գնում կամաց-կամաց,

Չագուկներդ չորս կողմի առած»:

—Ես գնում եմ ջուր գրտնելու,

Չագուկներս լուանալու.

Չագուկներս մաքուր-մաքուր,

Տղոց երեսն աղտ է ու մուր:

7. Հ Ա Ի Ը Ե Ի Զ Ա Գ Ը

Հաւր ձագերն առաւ ու գնաց քջուջ անելու: Քջուջ անելիս՝ մայրը նկատեց, որ ուրուրը պտտում է երկնումը և նայում է ձագուկներին: Մայրը ձայն տուեց: Ձագերը հասկացան՝ որ վտանգ կայ, վազեցին, մտան մօր թևերի տակ: Յինը երկար պտտեց և էլ ճուտ չտեսնելով՝ գնաց: Հաւր բաց արեց թևերը: Ձագերը նորից սկսեցին վազվզել ու խաղալ: Անց կացաւ մի քանի րոպէ: Սրտես ուրուրը հեռուից նկատեց ձագերը և դէպի նրանց թռաւ: Հաւն էլ քնած չէր. նա բարձր ձայնով կանչեց իր ձագերին: Վազեցին ձագերից շատերը, մտան իրանց մօր թևի տակ: Բայց մի ձագուկ ականջ շարեց իր մօր ձայնին. նա կարծեց, թէ ուրուրն իրան վնաս չի տալ, առաջուայ պէս կ'անցնի կերթայ, բայց սխալուեց: Յինը նետի պէս ցած իջաւ և նրան ճանկերի մէջ առաւ, տարաւ:

8. Ա Ռ Ա Ի Օ Տ

Լուսացաւ, լուսացաւ,
 Լուսն է բարին,
 Ծիտն է ծառին,
 Հաւն է թառին.

Ա՛շխատաւոր, վեր կաց բանի,
 Ժոյլ մարդու քունը տանի:
 Երկնքի դռները բաց է,
 Ոսկէ աթոռը դրած է,
 Զրիստոսը վրէժն նստած է,
 Լուսաւորիչը կանգնած է.
 Մեծ ու պստիկ զրում են,
 Արդարները խաղում են,
 Մեղաւորները լալիս են:

9. Կ Ա Տ Ո Ի Ն Ե Ի Մ Ո Ի Կ Ը

Մի շար կատու կար. նա խեղդում էր ձեռն ընկած մուկը և սաստիկ նեղն էր գցում նրանց: Մկներն էլ յիմար չէին. նրանք շուտով ճանաչեցին իրանց թշնամուն և աշխատում էին թազկենալ. երբոր կատուն տանն էր, բնիցը դուրս չէին գալիս: Բայց փիսօն խորամանկ էլ էր. նա գնաց ամբարը, ալրի մէջ թաթախուեցաւ և, այդպէս սպիտակած, մտաւ հացի տաշտը և նրա մի անկիւնում կուչ եկաւ: Երկար ժամանակ կատուի ձայնը չէր լսում: Մկները կարծեցին, թէ սատկել է, դուրս եկան ծակերից և սկսեցին ուտելու բան որոնել: Մէկ մուկը մօտեցաւ հացի տաշտին, նայեց, տեսաւ մի սպիտակ բան: «Լաւ է, սասց նա, այստեղ համ հաց կայ, համ պանիր»: Ասաց ու մօտ վազեց պանիրին: Պանիրն էլ մեր ալրակոլոր կատուն էր. սա թաթը մեկնեց և տեղն ու տեղը խեղդեց մկանը: Յետոյ եկաւ երկրորդը, երրորդը, չորրորդը. իսկ մեր փիսօն ամենքին էլ խեղդոտեց: Վերջապէս մօտ եկաւ մի ծեր ու փորձուած մուկը, կանգնեց տաշտի շրթուներին և զգոյշ նայեց սպիտակ բանին. յետոյ ճանաչեց նրան ու ասաց. «Է՛յ բարեկամ, քո սպիտականալը մի զրօշ չարժէ. ճանաչեցի, մլաւան կատուն ես. գոյնդ ես փոխել, հոգիդ միւննոյն է»: Ասաց ու փախաւ, ընկերներին իմաց արաւ:



10. Փ Ի Ո Յ

Կատուն եկաւ, փիսիկ-փիսիկ,
 Հազար նագով, ինչպէս հարսիկ,
 Դունչը սրբեց թաթիկներով,
 Մազը սանրեց շանչիկներով:
 —Կատու, կատու, էր ես տրտում,
 Թէ մկներն են այսօր արթուն:

11. ԿԱՂՆԻ ԾԱՌԸ ԵՒ ԵՂԵԳԸ

Անտառի կողքին բարձրացել էր մի մեծ կաղնի: Սրանից քիչ հեռու աճել էր և եղէգնիկը: Մի օր կաղնի ծառը գլուխը շարժեց և ասաց եղէգնին. «Ի՞նչքան անպէտք ես և թոյլ, այ ողորմելի. ամեն մի մանուկ կարող է քեզ կտրել, կտրատել. թեթև քամին էլ թերում, գետնիցն է կպցնում քեզ: Իսկ ես, նայիր, որքան մեծ եմ և յաղթանդամ. ես բանի տեղ չեմ դնում գիւղացի մանուկներին, չեմ էլ վախենում քամուց ու փոթորկից. ես բոլոր ծառերի թագաւորն եմ:—Այս ասած—չասած, սաստիկ փոթորիկ բարձրացաւ: Անտառը տարուբերուեցաւ քամու առաջ: Փոքրիկ եղէգը կռացաւ, գետնիցը կպաւ: Հաստարմատ կաղնի ծառը սկսեց քամու առաջ օրօրուիլ. նրա արմատները ճրճուացին, տրաք-տրաքեցին և հպարտ կաղնին վայր ընկաւ, ճղնակոտոր եղաւ:

Քամին անցկացաւ: Փոքրիկ եղէգը նորից բարձրացրեց իւր ճկուն գլուխը և, նայելով իւր հարևանին, մտածեց. «Ով որ փքանայ, շուտով չքանայ»:

ՊՍՈՒՐԲԷ ԾԱՌԸ

(ՔՐՈՋ ԽՆԴՐՈՒՄԻՆ)

Ելնեմ ծառը՝ զարդարեմ
 Վեր գամ տակը՝ մխիթարեմ.
 Հաւի վառիկը մորթեմ,
 Տանեմ զետը, լուսնամ,
 Եփեմ ու չորանին տամ.
 Չորանն ինձ մի ոչխար տայ,
 Ոչխարն Աստուծուն տամ.
 Աստուած ինձ մի եղբայր տայ:
 Եղբայր—եղբայր, ջան եղբայր,
 Զանս քեզ մատաղ եղբայր,
 Կարայ եմ կարել, կարձ է եկել,
 Բուզմայ եմ շարել, խոչ է եկել,
 Ծընճողուկի լեզուն մեղրով
 Զեզ համար եմ տապակել:

13. ՈՉՆԻՆ ԵՒ ՕՉԸ

Որսորդը տեսաւ ողնուն և յետեից ընկաւ, որ բռնէ: Ողնին փախաւ, ժայռի տակ մտաւ և կամենում էր մի տեղ գտնել պահուելու: Ժայռի տակն էլ իրան համար բուն էր չինել օձը և, նրա մէջ կուտապ եկած, ննջում էր: «Բանրեկամ, ձայն տուեց ողնին, վտանգի մէջ եմ. օգնիր, տեղ տուր, որ պահուիմ. երբոր որսորդը կը հեռանայ, շնորհակալութիւն կանեմ քեզ»: Օձը յետ քաշուեց: Ողնին ներս մտաւ խոռոչը և որսորդից ազատուեց: Վտանգն անցած էր: Օձն ասաց ողնուն. «Ընկեր, փշերդ ինձ նեղութիւն են տալիս. հեռացիր, գնա՛»:—Ողնին բարկացաւ: Ի՞նչպէս ես

համարձակում, սողուն անպիտան, այդ լեզուով խօսել հետս. հեռացիր աչքիցս, քանի դեռ կենդանի ես, ապա թէ ոչ...» Եւ ապերախտ կենդանին պատրաստում էր յարձակուիլ իւր բարերարի վրայ, բայց օձը, նրա միտքը հասկանալով, թողեց իւր տունն ու փախաւ:



14. ԳՈՂ ԱՂՈՒՅՍ

Աղուէսը պարկեց աղբի տակին,
վոյ-վոյ.
Աչքը պեց շող հաւի ծագին,
վոյ-վոյ.
Կետով կըտամ՝ աչքի տակին,
վոյ-վոյ.
Որ մօտ չգայ նա մեր քակին.
վոյ-վոյ.

15. ՈՉԽԱՐՆ ՈՒ ԳԱՅԼԸ

Մի անգամ ոչխարը գնաց առուակի մօտ, որ ջուր խմէ: Այդ ժամանակ միկնոյն առուակից ջուր էր խմում և գայլը: Գայլը վերեն էր կանգնած, ոչխարը ներքեր: Չար գազանը կամեցաւ ոչխարին ուտել: Նա վերևից ձայն տուեց. «Է՛յ, դո՛ւ, ինչպէս ես համարձակում ջուրս պղտորել. այդ բանի համար ես քեզ իսկոյն կը խեղդեմ, կ'ուտեմ»:

—Տէր իմ, կանչեց ոչխարը, ինչպէս կարող եմ քո ջուրը պղտորել. ես ներքեն եմ կանգնած, իսկ դու վերևումն ես:

«Պղտորում ես, թէ չես պղտորում, այդ միկնոյն է, ես քեզ պէտք է ուտեմ. ձեր ցեղը միշտ թշնամի է եղել ինձ. երեկ ես ուզում էի մօտենամ հօտին, քո հայրն էր, որ շներին իմաց տուեց. նրանք յետևիցս ընկան, քիչ մնաց պատառ-պատառ էին անում»:

—Ես հայր չունիմ, տէր, հայրս վաղուց մեռել է:

—«Ուրեմն մայրդ կըլինէր»:

—Մայր էլ չունիմ. մայրս հէնց այն օրը մեռաւ, երբ ինձ ծնեց:

«Ուրեմն ազգականներիցդ մինը կըլինէր. ինչ էլ որ լինի, դու միշտ մեղաւոր ես իմ առաջ»: Այս ասաւ չար գազանը և անմեղ ոչխարին խեղդեց ու լափեց:

16. Գ Ա Ռ Ն Ո Ւ Կ

Սիրուն, անմեղ իմ՝ գառնուկ,
Բուրդը սպիտակ ու փափուկ,
Դաշտ վազելով ու արօտ,
Մօրդ քաշում՝ ես կարօտ.
Մի լար, գառնուկ սիրական,
Փոքրիկ տղի դու նման.
Կըգայ մայրդ, հետը շատ
Կըբերէ քեզ անուշ կաթ:

17. Կ Թ Ի Կ Ո Վ

Մարդու մէկը մի կով է ունենում: Կովը կաթնով կերակրում է նրա բոլոր ընտանիքը: Տանտիկինը կաթնից

մածուն է մէրում: Մածունը պատրաստի կերակուր է խեղ-
 ճի գաւակները համար: Կաթնից և մածնից խնոցի է հա-
 ռում տանտիկինը՝ իւրը հանում՝ պահում է, թանն էլ ե-
 փում՝ կերակուր է շինում: Կովի կաթնից պանիր էլ է
 շինում՝ ձմեռուայ համար պահում: Այսպէս՝ կաթնատու
 կովը գիւղացու համար մեծ հարստութիւն է: Մեր ասած
 կովն էլ կաթնատու կով էր. օրէնը երկու անգամ կլթուում
 էր նա և ամեն անգամ մի մեծ կովկիթ կաթն էր տալիս:
 Մի անգամ գիւղացին հիւրերի էր սպասում. խնամիքը
 հարեան գիւղից տեսութեան պիտի գային. կաթը շատ
 պիտի հարկաւորուէր. պէտք էր կարագ, սեր, մածուն
 պատրաստել հիւրերի համար: Ի՞նչ անէր տանտիկինը:
 Մտածեց, մտածեց խելօքը և վճռեց, որ երեք-չորս օր
 չըկթէ կովը: «Յետոյ վերջին օրը հինգ-վեց կովկիթ միան-
 գամից կըկթեմ», ասաց նա: Բայց ի՞նչ. երեք-չորս օրից
 յետոյ՝ երբ ուզում էր կթել, տեսաւ որ ցամաքել է. ան-
 կթիլ մնալուց կաթը յետ էր տուել կովի ծծերում: Խեղճ
 տանտիկինը նոր հասկացաւ, որ ամենայն ընդունակութիւն
 բթանում է, երբ չի գործածուում:

18. Խ Ր Ա Տ

Մի խնդրիւ Աստուծուց ոչ փող, ոչ պատիւ,
 Այլ քեզ կրթելու խելք, շնորհք, սիրտ ազնիւ,
 Երբէք մի պարծենար, թէ արդէն գիտուն ես.
 Որքան քան սովորես՝ այն է օգուտ քեզ:

Ընկերներդ օգնող կղիւր,
 Աղբատներին սէր ցոյց տուր.
 Տէրն ասում է՝ չէ անվարձ
 Նաեւ քաժակ մի ցուրտ ջուր:

19. ՓԻՂ ԵՒ ՔՈԹՈԹ

Փղապանը փողոցներից անց էր կացնում իւր ձեռնա-
 սուն փիղը՝ մարդկանց ցոյց տալու, փող հաւաքելու համար:
 Մարդիկն էլ մեծ բազմութեամբ հետևում էին նրան: Յան-
 կարծ մի փոքրիկ քոթոթ, որտեղից որ էր, դուրս վազեց
 և սկսեց սաստիկ հաջել նրա վրայ: Մեծ շունը տեսաւ այդ
 և ասաց. «Չայնդ կտրի՛ր, այ լակոտ, դու ո՞վ ես, որ փղի
 դէմ հաջում ես. ահա դու հեւում ես. իսկ նա հաջելուդ էլ
 ուշք չի դարձնում. հանդարտ ու անխուով շարունակում է
 իւր ճանապարհը»:

Ես հօ նրա համար շեմ հաջում, որ փղին վախեցնեմ,
 պատասխանեց քոթոթը. իմ միտքս այն է՝ որ ուրիշները
 նկատեն իմ արածը և ասեն. «Տեսէ՛ք՝ քոթոթն որքան քաջ
 է, որ փղի դէմ էլ կը հաջէ»:

20. ՏՂԱՅՈՑ ԱՂՕԹՔ

Հայր մեր երկնաւոր, հայր ամեն մարդի,
 Դու ինձ ատեն օր տաս հազար քարի՝
 Կեանք, լոյս, կերակուր, հայր եւ քաղցրիկ մայր,
 Մեծ ու փոքրիկ քոյր, անուշիկ եղբայր.
 Իսկ ես ի՞նչ ունիմ, որ ինչ տամ քեզի.
 Առջեւդ կընկնիմ, կենամ աղօթքի.
 «Շնորհըդ տուր ինձ, որ ծնողներիս,
 Ուսուցիչներիս եւ իմ մեծերիս
 Լինիմ սիրելի, իսկ քեզ հաճելի»:




ԵՐԿՐՈՐԴԻ ԿԻՍՆՄԵԱԿ

ԲՆԲԵՐՑԱՆՈՐԲԵԱՆ ԱՐԱՋԻՆ ՎԵՐԲԸ

ԱՅԻՈՒԲԵՆԻՑ ՅԵՏՈՅ



ՇՐՋԱՆ ԵՐԿՐՈՐԴ



1. ԴԱՍԱԿԱՆ ԱՌԱՐԿԱՆԵՐ ԵՒ ԽԱՂԱԿԻՔ

Դասական առարկաներ՝ գիրք, գրիչ, քանոն, մատիտ, տետրակ, քարտախտակ, քարեգրիչ, թանաքաման, կաւիճ . . .

Խաղալիք՝ գնդակ, տիկին, հոլ, վեգ, չիլիկ, չիլկափայտ, պտուտակ . . .

ԲԵՐԱՆՑԻ ԵՒ ԳՐԱՒՈՐ

Զարեգրիչը դասական առարկայ է: Գնդակը խաղալիք է: Մատիտը. տետրակը. տիկինը. քանոնը. թանաքամանը. հոլը. չիլիկը. գրչահատը. գրատախտակը. քարտախտակը:

Գիրք՝ մէջը քաղցր միրգ:—Ինչ որ գրուեցաւ գրիչով, չի հանուիլ բահով բրիչով:—Մատիտը մատիդ, կօշիկը ոտիդ, ճամպայ որ երթաս, միշտ լինին մօտիդ:—Հօլը

կուզէ խարազան, որ պտոյտ դայ անխափան:—Վէգի կարմիրն է սիրուն՝ վաստակ է զարկողներուն:—2ուան ցատկիլն օգտակար շարժմունք է մանկանց համար:

Առածներ:—Ով կը կարդայ, նա մարդ ա:—Ով կը խաղայ նա կը կաղայ:—Ով կ'աշխատի նա կ'ուտի:

Հանելուկներ.—1. Գլուխս կտրեցին, սրտիկս հանեցին, գինի խմացրին, լեզուս բացուեցաւ, խօսիլ սկսաւ:—2. Քանի որ ծեծը կ'ուտէր, ուրախութեամբ կը պտտէր, երբոր ծեծը վերջացաւ, ընկաւ գետին ու մնաւ:

Ո Ի Ս Ո Ի Մ Ն Ա Ր Ա Ն

Ո Ր Ղ Ի Ն

Խնդրում եմ, հայրիկ,
Ասա ինձ, քաղցրիկ,
Ինչո՞ւ ամեն օր
Եղբայր Գրիգոր

Չուտ է վեր կենում,
Եւ ո՞ւր է գնում.
Ինչո՞ւ մինչև ճաշ
Տուն չէ յետ դառնում:

Հ ա յ Ր Ր

Աչքիս լոյս, եղբայրդ
Ամեն առաւօտ
Դպրոց է գնում,
Եւ մինչև ճաշը
Այնտեղ է մնում.
Այնտեղ են գնում

Եւ միւս մանուկներ,
Նորա ընկերներ.
Նոքա գնում են,
Որ ուտում առնեն
Եւ յետոյ բարի,
Խելօք մարդ լինեն:

Գ Ա Ս Ա Տ Ո Ի Ն

Դասատան մէջ նստած են աշակերտները: Աշակերտների առաջ նստած կամ կանգնած է վարժապետը: Վարժապետը սովորեցնում է: Աշակերտները սովորում են: Երբոր վարժապետը ներս է մտնում, աշակերտները ոտի են կանգնում և աղօթում են. յետոյ նրանք նստում՝ դասով են պարապում: Աշակերտները դասատանը կարդում են, գրում են, հաշում են թուերով, երբեմն էլ նկարում են: Աշակերտների դիմացը դրած է մի մեծ գրատախտակ: Գրատախտակի մօտ դրած է կաւիճ և սպունգ: Գրասեղանների վրայ դրած են դասական առարկաներ՝ գիրք, տետրակ, քարետախտակ...: Քարետախտակի վրայ գրում են քարեգրչով:



ՋՈԿ-ՋՈԿ ԵՒ ՄԻԱՍԻՆ

Վարդանիկն ու Սաթիւնիկը իրար հետ խաղում էին: Վարդանիկն իր հոլն էր պտտացնում: Սաթիւնիկը տիկնով էր խաղում: Վարդանիկը բարկացաւ Սաթիւնիկի վրայ: «Իմ հոլին մի մօտենար, ինձ հետ խաղ մի անիր», ասաց:— Գու էլ իմ տիկնին մի ձեռք տար, պատասխանեց Սաթիւնիկը նեղացած:

Մանուկները յօնքերը կախեցին: Նրանք հեռացան իրարից և սկսեցին ջոկ-ջոկ խաղ անել: Բայց մենակ սկսած խաղն էլ երկար չըրաչեց և մեր մանուկները շուտով վեր գցեցին իրանց խաղալիքները:

Մանուկները իրանց խաղը ինչի՞ չճարունակեցին:

2. ՈՒՏԵԼԻՔ ԵՒ ԽՄԵԼԻՔ

Ուտելիք՝ հաց, գաթայ, բաղարջ, արգանակ, սպաս, փլաւ, խորոված, տապակած, մածոն, կարագ, իւղ, սեր, կարկանդակ . . .


Խմելիք՝ ջուր, թէյ, սուրճ, գինի, գարեջուր, կաթ . . .

ԲԵՐԱՆԱՅԻ ԵՒ ԳՐԱՒՈՐ

Հացն ուտելիք է: Ջուրը խմելիք է: Գրիչը, գնդակը, գաթան, կաթը, մատիտը, մածունը, սուրճը, սերը, քարեգրիչը, հոլը, գրչահատը, փլաւը, գինին, խորովածը, գարեջուրը, արգանակը, պաքսիմատը, պտուտակը . . .

Առածներ:—Հացն ուտելով, բանն անելով:—Աղ ու հաց, սիրտը բաց:—Հաց ու պանիր, կեր ու բանիր:—Կուշար սովածին մանր կը բրդի:—Մի բաժակ ջուր, ով ուզի տուր:

Հանելուկներ:—1. ձերմակ տակաոթիկ, մէջն երկու կերպ բմպելիք:—Օրան օրան շուռ է գալիս, ոտներ չունի, ման է գալիս, բերան չունի, կու է տալիս:



Ա Ք Ա Ղ Ա Ղ

Դու ինձ աս՛, աքաղաղ,
Ոսկէ կատարիդ մատաղ,
Կարմիր միրուքիդ մատաղ,
Ինչի՞ ես շուտ արթնանում,
Բարձր բարձր երգ ասում,
Քաղցր քունս խանգարում:

Հ Ա Յ Ե Ի Զ Ո Ի Ր

I.

Մարդուս գլխաւոր ուտելիքը հացն է: Հացը պատրաստում են ալիւրից: Առաջ ալիւրը մաղում են, յետոյ տաք ջրով շաղախում, խմոր են շինում. խմորը շաղախելիս՝ հետը թրթ-խմոր են խառնում: Թրթ-խմորին ասում են խաչ: Շաղախած խմորը լաւ հունցում են և ծածկում: Հունցած խմորը քիչ-քիչ քացախում է տաշտի մէջ—գալիս է: Տանտիկինը վերցնում է եկած խմորը, գնդում է և այդ գնդերից հաց է թխում թոնդրի կամ հնոցի մէջ: Հնոցին փուռն են ասում:

II.

Ջուրը մարդիկ չեն պատրաստում: Նա այնքան հարկաւոր է, որ Աստուած ինքը առատութեամբ բաշխում է հարուստին էլ, աղքատին էլ: Մարդիկ խմելու ջուրը վեր են առնում աղբիւրներից ու գետերից: Ուր որ աղբիւր կամ գետ չկայ, մարդիկ գետինը խոր քանդում են, ջրհոր են շինում և այդ ջրհորի ջուրն են խմում: Առանց ջրի մարդս չի կարող ապրիլ. կենդանիներն էլ կը կոտորուին, եթէ ջուր չը լինի:




Ա Ղ Ս Թ Ք

Հայր մեր, որ երկնքումն ես, սուրբ լինի Քո անունը. գայ Քո թագաւորութիւնը. լինի Քո կամբը երկրի վրայ, ինչպէս երկնքումն է. մեր ամենօրեայ հացը այսօր էլ տուր մեզ. ներքի մեզ մեր պարտքերը, ինչպէս որ մենք ներում ենք մեր պարտապաններինը. մեզ փորձանքի մի տանիր, այլ ազատիր մեզ շարից, որովհետեւ Քոնն է թագաւորութիւնը, զօրութիւնը և փառքը այժմ և յաւիտեան:

ԳԻՒՂԱՅԻՆ ԵՒ ՎԱՐՈՒՆԻՔ

Գիւղացին գնաց պարտէզ՝ վարունգ գողանալու: Սողալով մօտեցաւ մարգերին և մտածում էր. «Այժմ կը քաղեմ մի սոպրակ վարունգ և կը տանեմ, կը ծախեմ. այն փողերով մի հաւ կ'առնեմ: Հաւը ձու կ'ածէ, թուխս կը նստի, ձագեր կը հանէ: Ձագերը կը մեծացնեմ, կը ծախեմ և մի խոզ կ'առնեմ: Խոզը տարէնը երկու երեք անգամ կը ծնի, կը բազմանայ: Խոզի ձագերը կը ծախեմ և մի մատակ ձի կ'առնեմ: Ձին քուռակ կը բերէ: Քուռակը կը մեծացնեմ,

լաւ գնով կը ծախեմ, մի տուն կ'առնեմ և առջևը պարտէզ կը շինեմ. վարունգ կը ցանեմ և պահապաններ կը կարգեմ, որ գող չը մտնէ և վարունգները չ'գողանայ: Ես էլ ծածուկ կը գամ և կը կանչեմ. «Է՛յ պահապաններ, այգիս լաւ պահպանեցէք»: Գիւղացին մոռացմամբ այնպէս գոռաց, որ պարտիգպանները արթնացան, վրայ թափուեցան և լաւ ծեծեցին նրան:



3. ՂԻՆՈՒԹԻՒՆՆԵՐ, ՆԱԻԵՐ, ԿԱՌՔԵՐ

Շինութիւններ՝ եկեղեցի, ուսումնարան, տուն, պալատ, խրճիթ, գոմ, ախոռ, կալ, մարագ, ջրաղաց . . .

Նաւեր՝ մակոյկ, նաւակ, շոգենաւ, առագաստանաւ . . .

Կառքեր՝ սայլ, սայլակ, սահնակ, կառք, շոգեկառք, հանրակառք:

Տունը շինութիւն է: Մակոյկը նաւ է: Տետրակը դասական առարկայ է: Փլաւը. տահնակը. գրչահատը. եկեղեցին. շոգենաւը. ամբարը. թէյը. խորովածը. առագաստանաւը. գոմը. ջրաղացը. սայլը. գրատախտակը. հանրակառքը. քարնտախտակը. պալատը. սուրճը. խրճիթը...

Առածներ.—Մինչև սայլը շուռ չի անցնիլ, ճանպէն չի դրստուիլ:—Իմացողին մին, չիմացողին հաղար:—Մէկ ասն, հինգ լսէ. հինգ չափէ, մէկ կարէ:

Հանելուկներ:—1. Անջուր ջաղաց, անկրակ բաղարջ:—Չորս եղբայր կան, միմեանց յետեւից վազում են, բայց իրար չեն հասնում:



ՆԱԳԱՍՏԱԿ

Մի վազիր այդչափ արագ,
Իմ սիրունիկ նապաստակ.
Չատ պստիկ ես տակաւին,
Թաթիկներդ կը յոգնին:
Քեզ կը բերեմ կաթն ու հաց,
Չաքրեջրով համեմած,
Ուտես, խմես, զօրանաս,
Բանից կարօտ չը մընաս:
Ծանր-ծանր կը քայլես,
Սիրտս վեր վեր կը հանես,
Կարձակեմ քեզ, երբ ուզես,
Կերթաս, ազատ կ'արածես:

Տ Ո Ւ Ն

Մեր տունը մեծ չէ, նա երեք սենեակ ունի և մի խոհանոց: Սենեակներից մէկում ես ու եղբայրս սովորում ենք մեր դասերը: Երկրորդ սենեակում մենք ձաշում ենք. նրա մէջ դարսած են շատ աթոռներ, մի մեծ սեղան և մի պահարան: Ամենից մեծ սենեակում մենք քնում ենք. դա կոչւում է ննջարան:


Մեր տան բակը շատ մեծ է: Բակի աջ կողմը մի փոքրիկ պարտէզ կայ, իսկ ձախ կողմը շինած է գոմը: Բակումն է լինում մեր տան հաւատարիմ պահապանը—չունը:

ԽՆԴԻՐ ԱՌԱԿԱՉԵՒ

Գիւղացին սայլով խոտ էր տանում. սայլի մէջ կային նաև մի գայլ և մի գառը: Նա հասաւ գետի եզերքը և երբ ուզում էր կամրջից անց կենալ, պահապանն առաջն եկաւ և ասաց. «Եթէ ուզում ես, որ թող տամ առանց վարձի կամրջից անցկենաս, մի պայման կայ, որ պէտք է կատարես. պէտք է ապրանքդ ջոկ-ջոկ անցկացնես՝ գայլը, գառը և խոտը, բայց այնպէս, որ իրարու վնաս չ'հասցնեն:

Ի՞նչ անէր գիւղացին. եթէ առաջ գայլը տանէր, գառը կ'ուտէր խոտը,—եթէ խոտը տանէր, գայլը կը պատառտէր զառնուկը: Մտածեց-մտածեց մեր գիւղացին և իւր ապրանքն այնպիսի հնարքով անցկացրեց, որ մէկը միւսին ամենևին վնաս չտուեց:

Հիմա իմացէք, թէ գիւղացին իւր ապրանքն ինչպէս անցկացրեց:



4. ԳՈՐԾԻՔ ԵՒ ՄԱՐՔ

Գ ո Ր Ծ ի Ք՝ դանակ, գդալ, պատառաքաղ, ասեղ, քորոց, մկրաս, կացին, մուրճ, սղոց, արօր, գութան, ցաքան, գերանդի, մանգաղ, թի, բահ, թուր, դուր, ուրագ . . .

Ս ա Ր Ք՝ սանձ, թամբ, փորքաշ, ասպանդակ, կապ*, կրճկալ**, թիկնափոկ:

Դանակը գործիք է: Սանձը սարք է: Սայլը կառք է: Արօրը. կաթը. թամբը. մանգաղը. սպասը. փորքաշը. բահը. ուրագը. կրճկալը. մկրատը. եկեղեցին. պատառաքաղը. գեղը. սղոցը. հոլը . . .

Առածներ.—Բզի գլխին բռունցքով տալ չի լինիլ:—Ուրագն իր կտթը չի տաշիլ:

Հանելուկներ:—1. Տապանը փայտ է, մեռելն երկաթ է, երբոր ձայն կրտայ, աշխարհ կըթնդայ:—Փտած փայտը փորեցին, առի՞ծը մէջը թաղեցին:

*) Նոխաս: **) Ձիու լուծը, վզնոցը:

ԱՌԱՒՅՏԵԱՆ ԱՂՕԹՔ

«Փանք ստեղծողիս, որ քուն անուշիկ Տուաւ իմ աչքիս, արթնացրեց հիմիկ. Ծագեց իմ վերայ սիրունիկ արև. Մայրիկս տուաւ ինձ քաղցրիկ բարև. Հայրս համբուրեց, առաւ ինձ գիրկը, Ինչպէս հովիւր—փոքրիկ գառնուկը»:

«Աստուած իմ և Տէր, մինչև այս կէտիս Դու ես պատրաստել իմ ամեն բարիս. Տնւր որ անմեղիկ մնամ մշտական, Հատին սիրելի, քեզ հաճոյական»:

Մ Ե Ր Ը Ն Տ Ա Ն Ի Ք Ը

Ես մի փոքրիկ երեխայ եմ: Ես ունիմ հայր ու մայր: Հայրս ու մայրս ինձ շատ են սիրում: Ես երկու քոյր և մի եղբայր էլ ունիմ: Ծնողքս նրանց էլ են շատ սիրում: Հայրս ու մայրս մեզ կերակրում են. նրանք մեզ ուտելիք ու հագնելիք են տալիս. նրանք մեզ պահում, պահպանում են: Մենք շատ ենք սիրում մեր ծնողներին և նրանց համար աղօթք ենք անում:


Վ Ա Խ Կ Ո Տ Յ Ո Վ Հ Ա Ն Ն Է Ս Ը

Յովհաննէսի մայրը տաշտի մէջ խաշ հունցեց և դրեց վառարանի մօտ, որ քացախի, իսկ ինքը դրացու տունը գնաց:

Յովհաննէսը մթնով տուն վերադարձաւ, կանչեց, ձայն տուաւ,—մարդ չկար: Յետոյ նա ուզեց կրակ վառել, բայց երբ վառարանին մօտեցաւ, պճպճալու ձայն լսեց. «Երևի թէ քաջք է» մտածեց Յովհաննէսը և վախից սկսեց վախ-

չիլ: Դիպուածով կրակախառնին ոտովն ընկաւ և նրա ծայրը ճակատին դիպաւ: «Վայ, մայրիկ, վայ, օգնութեան հասէք», գոռաց Յովհաննէսը և ուզում էր տանից դուրս փախչիլ. բայց դուրս վազելու ժամանակ տրեխի ծուպը դրան տակը մնաց և Յովհաննէսը փռուեցաւ շէմքի վրայ ու ողբալի ձայնով գոռում էր. «Վայ, մայրիկ, վայ, օգնեցէք, ազատեցէք, քաջքերը բռնել են ինձ»:

Այս գոռում-գոչումը լսեցին դրացիքը, եկան, վերցրին կիսակենդան Յովհաննէսին, բայց երբ գործի էութիւնն իմացան, սկսեցին նրա վրայ ծիծաղիլ: Յետոյ շատ ժամանակ անցաւ և դեռ ամենքը Յովհաննէսին բարկացնում էին ու ասում, թէ ինչպէս նա չ'ամաչեց ու տաշտի խմորից, անկիւնում դրուած կրակախառնից և իւր տրեխի ծուպից վախեցաւ:



5. ԿԱՐԱՍԻՔ ԵՒ ԱՄԱՆՆԵՐ

Կարասիք՝ սեղան, աթոռ, բազկաթոռ, գահաւորակ, բազմոց, մահճակալ, օրօրոց, պահարան, գզրոց, նստարան:

Ամաններ՝ գաւաթ, ափսէ, բաժակ, կուժ, Տեշտաեռ, կաթսայ, շիշ, սրուակ, պնակ . . .

Սեղանը կարասիք է: Գաւաթն աման է: Ափսէն. բազկաթոռը. գահաւորակը. սրուակը. բաժակը. արօրը. կաթսան. տունը. սայլը. օրօրոցը. շիշը. գզրոցը. արգանակը. գնդակը. թաւան. նստարանը. գինին. տետրակը. գրչահատը. դանակը. շոգենաւը. շոգեկառքը. Տեշտաեռը. թէյը. գաթան. պանիրը. բազմոցը . . .

Առածներ.—Այ կուժ, քեզ ասեմ, այ կուլայ, դու իմացիր:—Մի բաժակ ջուր, ով ուզի տուր:—Կուժը ջրի ճանապարհին կրկնորի:—Աւելորդ կահ կարասի՝ պատճառ է շատ վնասի:

Հանելուկներ:—1. Չորս եղբայր մէկ գտակի տակ, կարծում եմ որ չ'գտար:—2. Վերեւից երդիկ, ներքեւից դռնակ, մէջտեղումը ջուր ու կրակ:

Ա Ք Ո Ռ Ե Ի Գ Ա Ի Ա Թ

Աթոռը շինում են փայտից: Աթոռն ունի չորս ոտը, նստելատեղ և մի թիկունք: Նստելատեղը հիւսած է ծղօտից. նա տախտակից կամ փափուկ կտորից էլ է լինում: Աթոռ շինողին ատաղձագործ են ասում:

Գաւաթը շինում են կաւից: Կաւը բարակ մաղում են, շաղախում, հունցում և ուզած ձևը տալիս: Հաղախը ցամաքում է արևի տակ: Յամաքած գաւաթները դնում են հնոցի մէջ և սաստիկ կրակ են վառում տակը: Տաքութիւնից կաւը կարծրանում է: Գաւաթ շինողին բրուտ են ասում:

Ա Ր Ե Ի

«Արև-արև, դուրս արի,
Քեզ բերել ենք աչքալոյս.
Քո քուրիկը՝ լուսինկան,
Բերաւ չամիչ մէկ աման.

Ամպը եկաւ—մութ արաւ,
 Չամիչն աչքերէս կորաւ:
 Բաց երեսըդ, անբեգակ,
 Մէկ բուռ շամիչ քեզ կրտանը»:
 —Օ՛խ, արեւին խաբեցի՜նք:
 Ամպի տակից հանեցի՜նք:



Մ Ե Ղ Ո Ւ Ե Ի Ճ Ա Ն Ճ

Ճանճերը գոհ չէին իրանց կացած տեղից. նրանք խորհուրդ արին, որ ուրիշ երկիր գնան: Բայց մենակ չէին ուզում գնալ. իրանցից մէկին ուղարկեցին մեղուի մօտ, որ նա էլ գայ:

«Մեզու եղբայր, ասաց ճանճը, չար մարդիկ դադար չեն տալիս մեզ այստեղ. հերիք չէ, որ ամեն բան ծածկում են մեզանից, լուսամուտներումն էլ թոյն են դնում, որ ուտենք ու մեռնենք: Խրճիթներում մեզ չեն նեղացնում մարդիկ, բայց այնտեղ էլ ուրիշ թշնամի ունինք՝ սարդերը ձգում են իրանց ոստայնները, մեր ոտները մճրճում են, մեզ խեղդում, մեր արիւնը ծծում: Արի, մեզու եղբայր, գնանք, հեռանանք այստեղից»:

Մեղուն լսեց և պատասխանեց. «Դուք գնացէք, ուր որ կամենում էք, ես ձեր ընկերը չեմ. ինձ համար այստեղ էլ շատ լաւ է. ամենքը պատում են ինձ ու սիրում. ես էլ ամենքին օգուտ եմ տալիս. իմ մեղրը թէ չար և թէ բարի մարդի, թէ հարուստի և թէ աղքատի ճաշակը քաղցրացնում է. իմ տուած մոմը Աստուծու տաճարն է լուսաւորում: Դուք գնացէք, ուր որ կամենում էք. միայն գիտենաք, որ ամեն տեղ էլ ձեզ կը հալածեն, որովհետև ոչ ոքի օգուտ չէք տալիս. բացի օգուտ չտալը, ձանձրացնում էլ էք»:

Մ Ե Ղ Ո Ւ Ե Ի Ճ Ա Ն Ճ

Մ Ե Ղ Ո Ւ Ե Ի Ճ Ա Ն Ճ

Գարուն, ամառ, ամեն օր
 ես գնում եմ դաշտ ու ձոր,
 Աշխատում եմ ես անվերջ,
 Մեղր պտրում ծաղկանց մէջ,
 Եւ գտածըս ես շիտակ
 Իսկոյն տանում եմ փեթակ,
 Որ երբ փչէ ցուրտ քամին,
 Ծաղիկները թառամին,
 Ես ձմեռը պաշարով
 Լինիմ իսպառ ապահով:

Ճ ա ն ճ ր

Փոքրիկ ճանճ եմ զուարճասէր,
 Միշտ թռչում եմ վայր ու վեր,
 Մի հով տան մէջ, մի բակում,
 Սաստիկ արևի տաքում:

Կերուխումից, խաղից ջուկ
Իսկի շունիմ ուրիշ հոգ,
Եւ ներկայով բաւական,
Միտք չեմ բերում ապագան:

6. ԿԵՆԴԱՆԻՆԵՐ




Չորքոտանի կենդանիներ՝ ձի, կով,
ոչխար, գայլ, արջ, կատու, շուն, փիղ, առիւծ...

Թռչուններ՝ ծիծեռնակ, սոխակ, հաւ,
բադ, սագ, հնդուհաւ, արծիւ, ցին, բու . . .

Չկներ՝ կարմրախայտ, իշխան, կողակ, գե-
ղարքունի, տառեխ, օրագուլ, կապուտ . . .

Սողուններ՝ օձ, մողէս, գորտ, կրիայ...

Միջատներ՝ մեղու, ճանձ, մոծակ, մրր-
ջիւն, մորեխ, բզէզ, կարիճ, թիթեռ . . .



Չին ընտանի կենդանի է, իսկ օձը: Մողէսը սողուն
է, իսկ մեղուն: Նապաստակը. ծնծղուկը. մորենիը. ոգ-
նին. գեղարքունին. կովը. էջը. թիթեռնիկը. օրագուլը.
արտուտը. մրջինը. կրիան: Ի՞նչ բան են գրատախտակը
եւ գրասեղանը. հողը եւ սուրճը. պանիրը եւ մահճակալը:

Առածները.—Ջան հետ ընկերացիր, փայտը ձեռքիցդ մի գցիր: —Գայլի անունն է կոտրած, աղուէսն աշխարհ քանդեց:—Աղուէսի դունչը խաղողին չը հասաւ, ասեց՝ խակ է:

Հանելուկներ:—1. Քարը քարի վրայ՝ քար չէ, արածում է՝ տաւար չէ, ծու է ածում՝ հաւ չէ:—2. Մէկ շէնք ունիմ՝ քարձր ու շարժուն, ներքեւն ունի չորս հատ հաստ սիւն, մի դուռ փոքրիկ, նեղ, գալարուն, վրան շքեղ մի վերնատուն:

Ե Ր Կ Ո Ւ Ա Ք Ա Ղ Ա Ղ

Երկու աքաղաղ կռուեցին և մինը յաղթեց միւսին: Նա՛ որ յաղթուեցաւ, փախաւ, սրահի տակը մտաւ: Իսկ նա՛ որ յաղթեց, բարձրացաւ կտուրը և հպարտ-հպարտ «ծուղբուղու» կանչեց: Այդ ըոպէին արծիւը թռչում էր վերեւից. նա տեսաւ հպարտացող աքաղաղին, յափշտակեց նրան ու տարաւ, անուշ արաւ:

Պ Ա Ռ Ա Ւ Ն Ո Ւ Ա Յ Ծ Ը

(Մանկական երգ)

Կար-չրկար երբեմն
Աղբատ մի պառիկ.
Ունէր մեր պառաւը
Կաթնատու այծիկ,
 2ալիկ-մալիկ
 Կաթնատու այծիկ:
Պառաւը ձմեռը
Այծիկը պահեց,
Իր բերնի պատառը
Նըրա հետ կիսեց,
 Սիրով, յօժար
 Նըրա հետ կիսեց:

Երբ ձիւնը հալուեցաւ,
Բըսաւ կանաչ խոտ,
Պառաւը այծիկը
Դուրս տարաւ արօտ,
 Ուրախ-գուարթ
 Դուրս տարաւ արօտ:
Յանկարծ փըչեց քամին,
Մըթնեց երկինքը,
Թանձր մառախուղը
Պատեց գետինքը,
 Վայ-վայ, վոյ-վոյ,
 Պատեց գետինքը:

Պառաւը խիստ տխրեց,
Գայլն ուրախացաւ,
Այծի անուշ մտով
Փորին դեղ արաւ,
 Կերաւ-լափեց,
 Փորին դեղ արաւ:

Պառաւը կանգնած էր
Փռնչ խոտը ձեռին,
Անմխիթար ձայնով
Կանչում էր այծին՝
 «Եկ—եկ, եկ—եկ»,
 Կանչում էր այծին:

Օ Զ Ը

Ձմեռն էր: Գիւղացին անտառ գնաց փայտ կտրելու: Փայտ կտրելիս՝ նա տեսաւ մի օձ, որ ցրտից սառել, փետացել էր: Բարի գիւղացին խղճաց օձին, վերցրեց, դրեց կրակի մօտ, որ տաքանայ: Օձը տաքացաւ թէ չէ՝ վրայ վազեց, որ կծէ գիւղացուն:

«Ո՛վ ապերախտ, ասաց մարդը, իմ լաւութիւնը դրանով ես վճարում»: Այս ասաց ու կացնի քիւլփով խփեց, գլուխը ջախջախեց:

7. Բ Ո Յ Ս Ե Ր

Ծ ա ո ե Ր՝ հացի, կաղնի, լորենի, խնձորի-
խնձորենի, տանձի-տանձենի, ընկուզենի, թզե-
նի, թթենի . . .
Թ փ ե Ր՝ մորենի, վարդենի, մոշի, մասրի...
Բ ա ն ջ ա Ր Ե Ղ Է Ն՝ սիսեռ, լորի, սոխ, բողկ...
Հ ա ց ա Բ Ո Յ Ե Ր՝ ցորեն, գարի, վարսակ,
կորեկ, հաճար, բրինձ . . .
Խ ո տ Ե Ր՝ անանուխ, ուեսան, եղինջ, թըր-
թընջուկ, աւելուկ . . .

Ծ ա ղ ի կ ն ե Ր՝ մանուշակ, շուշան, յասմիկ,
նարգէս, շահոքրամ, քրքում . . .

Ս ու Ն կ ե Ր՝ կարմրաստկոն, ոչխարաստկոն,
գալլաստկոն, անտառաստկոն . . .



Խնձորենին ծառ է, իսկ վարդենին թուփ է: Ան-
նուխը խոտ է, իսկ սիսեռը. ցորենը. կարտոփիլը. կաղ-
նին. միրենին. լոբին. գարին. ընկուզենին. ծակնդեղը.
սամիթը. բրինձը. կաղամբը. կեռասը. կորեկը. վարունգը.
կարմրաստկոնը. սիսեռը. մանուշակը. մասրին. շահոքրա-
մը. ուհանը. վարսակը. թրթռնջուկը. քրքումը. հաճարը.
բողկը. աւելուկը. շուշանը . . .

Առածներ:—Ծառն արմատից կըջորանայ:—Պտղատու ծառը
զուլիը կախ կըպահի:—Մի ծաղկով գարունը շիլինիլ:—Բարի ծառը
բարի պտուղ կը բերի, չար ծառը չար պտուղ կըտայ:—Ամեն ծառ
իր պտղից կըճանաչուի:

Հանելուկներ:—1. Է նա կանաչ կոճակ կոչոր, մաքուր
հիւթով լցուած տկճոր, կարմիր մեղուք ներսը բուրբ, եղբայր,
դու կեր իբր մեղրի ծոր:—2. Բռնեմ՝ ափովս, շաղ տամ թա-
թովս, մեռնի տարով, ապրի բարով:—3. Ոսկէ կճուճիկ, մի-
ջուկն անուշիկ:

ՄԱՆՈՒՉԱԿ

Կապոյտ գլխով, կանաչ ոտով
ես ծաղիկ եմ անուշ հոտով.
Թէև տունկս փոքրիկ է՝ ցած,
Արօտներում միշտ թագկացած,
Բայց իմ փունջըս ամենի տան՝
Թէ ազբատի, թէ մեծատան,
Իբրև գարնան առաջին գարդ,
Կարէ տեսնել ամեն մի մարդ:
Ես եմ սիրուն գարնան գուշակ.
Իմ անունս է մանուշակ:

ԱՂՈՒՔՍՆ ՈՒ ՃԱԳԱՐՐԸ

Աղուէսը վայրենի կենդանի է. նա միս է ուտում: Ճագարն էլ վայրենի կենդանի է, բայց խոտ է ուտում: Ճագարը գետնի տակը խոր ծակում է, իրան համար որջ է շինում. բայց որջը փոքր է լինում ու նեղ, որովհետեւ ինքն էլ փոքր է:

Աղուէսը ճագարին թշնամի է:

Մի անգամ աղուէսը մօտենում է ճագարի որջին և ասում է. «Ճագար, ինչի՞ ես խոր փոսի մէջ մտել. դուրս արի այդ մութը ծակից, արածիր պայծառ արևի տակ»:

«Ճնորհակալ եմ, պատասխանում է ճագարը. երբոր այդտեղից կըհեռանաս, խրատդ կըլսեմ ու դուրս կըգամ: Բայց քանի որ այդտեղ ես, հանգիստ կընստեմ բնիս մէջ. քեզպէսների բարեկամութիւնից ես միշտ փախչում եմ:

Ա Ն Չ Ր Ե Ի

Անձրև-անձրև, ցած արի,
Բըսցո՛ւր ցորեն ու գարի,
Բըսցո՛ւր ծաղիկ, կանաչ խոտ,
Ալ է փոշի, մաքրէ օդ:
Անձրև, անձրև, ցած արի,
Գալդ ամենուս բարի:

Յ Ո Ր Ե Ն Ե Ի Գ Ա Ր Ի

Գիւղացին երկու օրավար հող ունէր: Մի օրավարում նա ցորեն ցանեց, միւսում գարի: Արտերն աճեցին, բարձրացան, հասկեր գցեցին: Մի օր գարին սկսեց խօսել. «Յորեն եղբայր, ասաց նա, վատ տեղ է ցանել մեզ մեր տէրը. այս գիւղը շատ աղքատիկ է՝ ոչ ոսկի ունի, ոչ արծաթ, ո՛վ

պէտք է մեր յարգը ճանաչէ, մեզ գին տայ: Արի, ցորեն եղբայր, թողենք ու հեռանանք այս գիւղից. արի գնանք այնտեղ, ուր ոսկի շատ կայ»:

Յորենը լսեց դրացու խօսքերը և ասաց. «Չատ ափսոսում եմ, գարի եղբայր, որ միայն քիստըդ ես երկարացրել, իսկ խելքդ կարճ է մնացել. ինչի՞ մենք ման գանք ոսկու յետևից. մեր արժէքն այնքան մեծ է, որ ոսկին ինքն իրան մեր դուռը կըգայ»:

8. Հ Ա Ն Ք Ե Ր

Թ ա ն կ ա գ ի ն մ ե տ ա լ ն ե Ր՝ ո ս կ ի , պ լ ա տ ի ն , արծաթ :

Հ ա ս ար ա կ մ ե տ ա լ ն ե Ր՝ երկաթ , պղինձ , արձիճ , կլեկ . . .

Թ ա ն կ ա գ ի ն ք ա Ր Ե Ր՝ անդամանդ , զըմբուխտ , յակինթ . . .

Հ ա ս ար ա կ ք ա Ր Ե Ր՝ աղաքար , որձաքար , չէչաքար , աւազաքար , կայծաքար , կրաքար . . .

Հ ո ղ ե Ր՝ սևահող , աւազահող , կաւ , կիր . . .

Ի՞նչ է անում վարժապետը. աշակերտը. քահանան. հողագործը. վաճառականը. հովիւը. որսորդը. ձկնորսը. ըրհատը. քարտաշը. կօշկակարը. ծի՛ն. կո՛վը. մեղո՛ն. շո՛ւնը.

Ի՞նչ քան է ոսկին. երկաթը. որձաքարը. անդամանդը. կաւը. պլատինը. արձիճը. զմրո՛ւխտը. չէչաքարը. կիրը. արծաթը. պղինձը. զամը . . .

Առածներ:—Ապրիլ կայ՝ երկաթ է, ապրիլ կայ՝ արծաթ է:—
Ոսկին փոքր է, բայց գինը մեծ է:

Հանելուկներ:—1. Երկու եղբայր խիստ ուրոնուած, երկուսն էլ մէկ մօրից ծնուած, մեծի փոքր է պատիւն ու գին, փոքրը յարգի եւ թանկագին:—2. Կլորակ, դեղին, աշխարհի սիրելին:

Ո Ս Կ Ի Ն Ե Ի Ե Ր Կ Ա Թ Ը

Ոսկին և երկաթը վիճում էին միմեանց հետ:

«Ես ամենից լաւ մետալն եմ, ասում էր ոսկին. ամենքը գովում են ինձ, պատիւ են տալիս, ամենքը սիրում են ինձ. մարդկանց համար ես փող էլ եմ, զարդարանք էլ. ինձանից ինչ ասես շինում են՝ սիրուն շղթաներ, թանկագին մանեակներ, մատանիք, քորոցներ . . . Էհ, էլ ինչ երկարացնեմ, առանց ինձ մարդու կեանքը կեանք չէ, այլ տանջանք է: Եթէ ուզենամ, ամբողջ աշխարհը մենակ կը գնեմ»:

Երկաթն ասաց. «Չատ ես պարծենում, ոսկի աղայ, և իրաւունք էլ ունիս. մարդիկ քեզ շատ են երես տալիս: Բայց մենակ դու չես աշխարհի տէրը. երբ մարդս ուզում է ապահով ապրել, նրան երկաթ է հարկաւոր. տուն շինելու համար ոսկէ կացնով չեն կտրում փայտը. հաց ունենալու համար ոսկէ արօրով չեն վարում հողը. գազաններից պաշտպանուելու համար ոսկէ հրացան չեն բանեցնում: Եթէ դու, աղայ ջան, կարող ես աշխարհ գնել, ես էլ, լաւ գիտենաս, կարող եմ բոլորը ձեռքիցդ խլել»:

ԳՆՈՒՆ ՈՒ ՄՆՅՐԸ

— Ի՞նչ ես լալիս, գանուկս,
«Խիստ ծեծ կերայ, մայրիկս»:
— Քեզ ո՞վ ծեծեց, անիկ:
«Մէկ չար պառաւ, իմ մայրիկ»:
— Ինչի՞ ծեծեց քեզ, գանուկ:
«Ծառի տակն էի, մայրիկ»:
— Ինչո՞վ ծեծեց, նազանի:
«Հաստ ճիւղտով, իմ նանի»:
— Ո՞րտեղիդ գարկեց, անուշիկ»
«Ոտիկներիս քնքուշիկ»:
— Ի՞նչպէս լացիր, անմեղիկ:
«Մէ, մէ, մէ, մէ, իմ մայրիկ»:

9. Մ Ա Ր Դ Ը

Մ ա Ր մ ՚ ն ի ա ն դ ա մ ՚ ն ե Ր ը՝ գլուխ, պարանոց, բուն, ձեռներ, ոտներ:

Գ լ խ ի մ ա ս ե Ր ը՝ գագաթ, ծոծրակ, քունք, ճակատ, դէմք:

Դ է մ ք ի մ ա ս ե Ր ը՝ յօնքեր, աչքեր, քիթ, թշեր, բերան, կզակ:

Գլուխը մարմնի մասն է. դէմքը. աչքը. ծոծրակը. քունքը. գագաթը. ձեռները. կզակը. ոտները. ճակատը. յօնքերը. քունքը. թշերը. պարանոցը. քիթը. աչքերը:

Առածներ:—Ատուած ձեռք է տուել՝ բան շինելու համար:—
Հացն ուտելով, բանն անելով:—Բանի անունը տալիս՝ գլխիցաւ բըռնում է:—Ծոյլ մարդու ձեռները միշտ փլաւ են ուտում:—Մի ձեռը ծափ չի տալ:—Մարմնու ճրագն աչքն է:

Հանելուկներ:—1. Մէկը կանգնած խօսում է, երկուսն
ականջ են դնում, իսկ երկուսը նայում են:—2. Երկուսնենակ
մի սիւնանի:

Չուտասելուկ:—Փոկակապ Յակոբ ապէր, թէ կարաս
մի փոկ կապես, ես քեզ կասեմ՝ շնորհքդ շատ, փոկակապ
Յակոբ ապէր:

ԵՐԵՎԱՆԻ ԱՂՕԹՔ

Տէր Աստուած իմ, Տէր բարերար,
Դու պահպանէ ինձ այս գիշեր,
Տուր հօրս և մօրս կեանք երկար,
Հանգստութիւն ու լաւ օրեր:
Քո սուրբ հրեշտակդ մեր մօտից
Չըհեռանայ ամենեին,
Այլ պահէ միշտ փորձանքներից,
Արթնացրնէ գուարթագին:

ՈՋՆԻՆ ԵՒ ԳԱՅԼԸ

Սոված գայլը մի օր թափառում էր դաշտումը և ու-
տելու բան էր որոնում: Քանի օր էր՝ նա ոչինչ չէր կերել:
Լեղճի փորը վեց-վեց էր անում: Այդ միջոցին նա տեսաւ
մի փոքրիկ կենդանի, որ կամաց-կամաց առաջ էր գալիս:
Սա փշոտ ոգնին էր: Գայլը մօտեցաւ նրան: Ոգնին ոտնու-
ձեռը հաւաքեց, կծկուեցաւ, փշերը ցից արեց: Գայլը
դժուարի բռնուեցաւ. նա մտածեց խորամանկութեամբ
բանը գլուխ բերել: «Սիրուն ոգնի, ասաց նա, այդ ինչ
սիրունիկ ոտիկներ, ինչ նագանի դունչ ունիս. ափսոս

միայն, որ զգեստդ փշոտ է. ինչ կըլինի, ընկերիկ, քնքուշ
փորդ գոնէ չծածկես այդ անպիտան փշերով»:

Ոգնին քթի ծայրը դուրս հանեց և ասաց. «Հանգիստ
թող ինձ, գայլ, գովասանքիդ կարօտ չեմ: Չնորհակալ եմ
Աստուծուց, որ մարմինս ծածկել է փշերով: Եթէ այս
փշերը չլինէին, դու ուրիշ լեզուով կըխօսէիր հետս»:

10. ՁԵՌՆԵՐԻ, ՈՏՆԵՐԻ ԵՒ ԲՆԻ ՄԱՍԵՐԸ

Ձ Ե Ր Ն Ե Ր Ի մ ա ս Ե Ր ը՝ դ աս տ ա կ, ար մ ու ն կ,
ու ս:

Ո տ ն Ե Ր Ի մ ա ս Ե Ր ը՝ ա զ զ ր, ս ր ու ն ք, գ ար-
չ ա պ ար:

Բ ն ի մ ա ս Ե Ր ը՝ կ ու ր ծ ք, փ ո ր, կ ո ղ ե ր, թ ի-
կ ու ն ք, մ է ջ ք:

Գիրքը դասական առարկայ է. ջուրը. գնդակը. սե-
ղանը. կացինը. խորովածը. կովը. նապաստակը. կատուն.
թրթնջուկը. վարդենին. խնձորենին. օձը. գորտը. մո-
ծակը. երկաթը. ծառը. քարը:

Ե Ր Կ Ո Ւ Հ Ո Վ Ի Ի

Պետրոսն ու Կարապետը դաշտից տուն էին գալիս:
«Գիտես, Պետրոս, ասաց Կարապետը, եթէ քո ոչխարնե-
րից մէկն ինձ տաս, իմ հօտը քոնիցը երեք անգամ շատ
կըլինի»:

—Ոչ, պատասխանեց Պետրոսը, աւելի լաւ է՝ դու քո
ոչխարներից մէկն ինձ տուր, այն ժամանակ մենք հաւա-
սար կ'ունենանք:

ՈՒԼԵՐՆ ՈՒ ԳԱՅԼԸ

Լինում է—չի լինում մի այժ: Այս այժն անտառում իրան համար տուն է շինում և իր գաւակների—փոքրիկ ուլերի հետ բնակւում է նրա մէջ: Ամեն առաւօտ մայրը դուրս է գնում արածելու: Գնալուց առաջ նա ասում է իր ձագերին: «Որդիք, դռները փակեցէք, հանգիստ կացէք և եթէ դրսից մարդ գալու լինի, դուռը բաց չանէք»: Ասում է ու գնում: Դաշտումը լաւ արածելուց, կուրծը կաթնով լցնելուց յետոյ, այժը տուն է գալիս: Տան դռները փակ են: նա պոզերով դուռը ծեծում է ու կանչում:

«2ալիկ-մալիկ ուլիկներ,
2ալ-պըտուրիկ այժիկներ,
Ելէք, բացէք տան դուռը,
Պատրաստ է ձեր ապուրը»:

Ուլերը բաց են անում դուռը: Մայրը ծիծ է տալիս նրանց և կրկին գնում է արածելու:

Այս ամենը տեսնում ու լսում է գայլը. նա մտքումը դնում է, որ խաբելով ներս մտնէ ուլերի փարախը, երբ մայրն այնտեղ չըլինի: Մի օր, երբ այժը դուրսն է լինում, գայլը կամաց-կամաց գալիս է, թաթով դռանը խփում է ու կանչում.

«2ալիկ-մալիկ ուլիկներ,
2ալ-պըտուրիկ այժիկներ,
Ելէք, բացէք տան դուռը,
Պատրաստ է ձեր ապուրը»:

Ուլերը մի լաւ ականջ են դնում. նրանք հասկանում են, որ դուռը ծեծողն իրանց մայրը չէ և պատասխանում են. «Դու մեր մայրը չես, կորիք, հեռացիր այդտեղից. մեր մայրը բարակ ձայն ունի ու քաղցր է մկկում. դուռն էլ

պոզերով է ծեծում»: Ասում են ու դուռը բաց չեն անում: Գայլը թողում՝ հեռանում է: Փոքր ժամանակից յետոյ գալիս է մայրը. նա գովում է ուլերին, որ դուռը բաց չեն արել:— «Դուք շատ լաւ էք արել, որդիք, որ դուռը բաց չէք արել, թէ չէ՝ նա ձեզ ամենքիդ էլ կ'ուտէր»:

2 ի ի ն

2իւն է գալիս փաթիլ-փաթիլ,
Աղբատն ասեց՝ տունս է ըաթիլ: *)
Պառան ասեց՝ մոզիս կորաւ,
Գայլն ասեց՝ փորիս դեղ է:

11. ԱԶՔԻ, ԲԵՐԱՆԻ, ԴԱՍՏԱԿԻ ԵՒ ԳԱՐՉԱԳԱՐԻ ՄԱՍԵՐԸ

Ա չ ք ի մ ա ս ե ը ը՝ բ ի բ, ծ ի ա ծ ա ն, ս պ ի տ ա կ ո յ, կ ո պ եր, ար ա տ և ա ն ու ն ք:

Բ ե ը ա ն ի մ ա ս ե ը ը՝ չ ը թ ու ն ք, ծ ն օ տ ն եր, լ ն դ եր ք, ա տ ա մ ն եր, լ ե զ ու, ք ի մ ք, կ ա տ ի կ, կ ո կ ո ը զ, շ ն չ ա փ ո զ:

Գ ա ս տ ա կ ի մ ա ս ե ը ը՝ մ ա տ ն եր, ա փ, մ ա տ ն ար մ ա տ ն եր:

Գ ա ը շ ա պ ա ը ի մ ա ս ե ը ը՝ պ ա տ ու ա ն դ ա ն, կ ը ու ն կ, մ ա տ ն եր, ճ ի ս ք:

Աչքը դէմքի մասն է, իսկ ըլժը: Ափը ձեռքի մասն է, իսկ դէմքը: Գարշապարը ոտի մասն է, իսկ պատուանդանը: Դէմքը գլխի մասն է, իսկ գլխիկը: Ծիածանը

*) Բաթիլ է—քանդուած է, կործանուած է.

աչքի մասն է, իսկ աւչքը. ատամները. կրոնակը. ոտները. սրտը. դաստակը. ծնօտները: Մորենին թուփ է, իսկ կաղնին: Կուժն աման է, իսկ փլանը: Օճը սողուն է, իսկ մորենիւր, ձիւն. վագրը. մածոնը. արօրը. քաղկաթո՞րը...

Առածներ:—Լեզուդ շուանի դիր:—Լեզուի տակին ոտկոր չըկայ, որ սուտ ասելիս ծակի:—Սուտ ասողի տունը կրակ ընկաւ, ոչ ոք չհաւատաց:—Օձի կծածը կըսաղանայ, լեզուի կծածը չի սաղանալ:

Հանելուկներ.—1. Փոքրիկ պատուհան՝ շեղջով լիքը:—2. Չորս մայր կային նմանակ, ունէին հինգ-հինգ զաւակ, հինգը մէկ մօր էին որդիք, հինգը նրանց եղբօր որդիք, տասն էլ մօրեղբօր որդիք:

ԵՐԿՈՒ ԵՒ ՄԻ

Ականջդ երկու, ունիս մի բերան,
Հասկացիր դու լաւ.
Աշխարհիս վրայ կըլսես շատ բան,
Ու խօսէ սակաւ:
Աչքերդ երկու, ունիս մի բերան,
Հասկացիր դու լաւ.
Աշխարհիս վերայ կըտեսնես շատ բան,
Ու պատմէ սակաւ:
Երկու ձեռք ու մի բերան դու ունիս,
Հասկացիր ինձ լաւ.
Փրն իբուն դու շատ պիտի աշխատիս,
Եւ ուտես սակաւ:

ԾՈՅԼԸ ԵՒ ԶԱՆԱՍԵՐԸ

—Այսօր խաղամ, վաղը կը սովորեմ, ասում է ծոյլը:
—Վաղը կըխաղամ, այսօր սովորեմ, ասում է ջանասէրը:


Ծոյլ աղջիկը՝—«Բանն ինչ կ'անեմ, կեղտոտ է, բամբակը կորիզոտ է. մետաքս պիտի, որ մանեմ, մատակ պիտի, որ ծամեմ, կտուրը տիտիկ անեմ, անցնողին մտիկ անեմ, ուտեմ, խմեմ, միթնի՛ քնեմ»:

Ծոյլ տղան՝—Չորերս հանիր, թեք գցիր, ծածկիր ինձ ու խաչակնքիր վրաս. յետոյ ես ինքս կըքնեմ»:

ՈՐԲԻ ՊԸՅՈՂՆ ԼՍՏՈՒՆԾ Է

Փայլուն արևը արդէն մայր մտաւ,
Լուսինն էլ վաղուց գնաց, թագ կացաւ.
Փոքրիկ աստղերը ամպի տակ մտան,
Եւ ցուրտ ու խաւար գիշեր էր աշնան:
Ամեն մարդ գնաց, իւր տունը հասաւ,
Ամեն երեխայ մօր գիրկը մտաւ.
Միայն խեղճ որբը շունի հայր ու մայր,
Չունի բարեկամ, ոչ քոյր, ոչ եղբայր.
Անտէր մնացած, Աստուծոյ կամքին,
Խեղճը ննջում է փողոցի միջին:





Ա Ր Ջ Ի Թ Ա Թ Ը

Գիւղացիք թակարթ սարքեցին և մի արջ բռնեցին: Արջին սպանելով չսպանեցին, միայն կացնով նրա թաթը կտրեցին: Երեք ոտնանի արջն էլ կաղի տալով փախաւ գնաց: Մի խեղճ պառաւ խնդրեց, որ արջի թաթն իրան տան. խուզեց նրա վրայի մազը և կաշին էլ մաշկեց: Պառաւը միսը կրակին դրեց՝ եփելու, ինքն էլ նստեց կաշուի վրայ և սկսեց մանել նրա մազը: Մանեց-մանեց մինչև կէս գիշեր: Կէս գիշերին, մէկ էլ տեսնես, մի ձայն է լսում, մի բան լուսամուտի տակ թրմփ-թրմփացնում, չըխկ-չըխկացնում է:

Պառաւը լուսամուտից դուրս է նայում և ինչ է տեսնում:—Տեսնում է՝ որ թաթը կտրած արջը կաղի տալով մօտենում է խրճիթին:

Պառաւի լեղին պատուեցաւ. նա կենում էր մեն-մենակ գիւղի մի ծայրում: Ի՞նչ անէր, ի՞նչ չ'անէր, արջից ինչպէս ազատուէր: Արջը քիչ էր մնացել, որ ներս մտնէր. նա արդէն տրփտրփում էր, որ դուռը գտնի, կրննկահան անի: Էլ ուրիշ հնար չկար. պառաւը թոնդրի բերանը բաց արեց ու ինքը բարձրացաւ ամբարի գլուխը: Արջը

գտաւ դուռը, կրննկահան արեց, ներս մտաւ խրճիթը և սկսեց մթնումը պտուտ-պտուտ անել. մին էլ ի՞նչ՝ — թրը մփ — թոնդրի մէջն ընկաւ:

Պառաւը ցած եկաւ ամբարի գլխիցը, ծածկեց թոնդրի բերանը և գնաց, հարեաններին կանչեց: Հարեաններն եկան և արջին սպանեցին:

12. Հ Ի Ն Գ Զ Գ Ա Յ Ա Ր Ա Ն Բ

Աչքով տեսնում ենք առարկան, ականջով լսում ենք նրա ձայնը, քթով նրա հոտն ենք իմանում, լեզուով համը, իսկ մատներով շօշափում ենք և իմանում նրա պըն-դութիւնը, փափկութիւնը, թանձրութիւնը, նօսրութիւնը, սառնութիւնը, տաքութիւնը, հարթութիւնը, անհարթութիւնը . . .

Տեսողութեան գործարանը աչքն է. լսողութեան գործարանը . . . հոտառութեան գործարանը . . . շօշափողութեան գործարանը . . . մաշակի գործարանը . . .

Կացնով կտրում են, իսկ սողոցով: Ի՞նչ են անում ասեղով. գրչով. արօրով. մանգաղով. սանրով. դանակով. պատառաքաղով. թրով. դրով. մուրձով. կողպէքով . . .

Հնձում են (ինչո՞վ). քանդում են. քերում են. կտրում են. սողոցում են. գրում են. երկաթը ծեծում են. սրում են. կարում են. ձեւում են, փորում են. տողում են. . .

Առածներ:—Ականջն էնդուր չի մեծանում, որ շատ է լսում:—Անհունար մարդու լեզուն երկար կը լինի:—Ուրիշի աչքը քեզ համար լոյս չի տալ:

Հանելուկ: Փետուրով կըրցանեն, աչքով կըքաղեն, գլխով կ'ուտեն, մտքով կը մարսեն:

ԿԱՂՆ ՈՒ ԿՈՅՐԸ

Կաղն ու կոյրը պէտք է անցկենային մի սրբնթաց առուակով: Ի՞նչպէս անէին: Կոյրը կաղին շալակեց և երկուսն էլ ապահով անցկացան:

Ա Ռ Ա Ի Օ Տ

Փայլուն ճաճանչով արևելք ծածկուեցաւ.
Դետի մօտ գիւղի կրակը հանգաւ.
Դաշտի ծաղիկներ ցօղով ծածկուեցան.
Տաւար ու ոչխար արօտ դուրս եկան.
Թանձր մէզերը երկրից հեռացան.
Ամեն կենդանիք դաշտը լցուեցան.
Մարդիկ զարթեցան, գործը ձեռք առան
Արևը ելաւ, աշխարհ բերկրեցաւ:

Ո Չ Խ Ա Ր

I. Գարնան վերջերում հովիւը խուզեց իր ոչխարները: Դեռ ցուրտ էր և խեղճ կենդանիները դողդողում էին:

Աստուած խղճաց ոչխարների վրայ և աշխարհ ուղարկեց արևի տաք ճառագայթներն ու ջերմ քամին: Ոչխարները տաքացան և ուրախ-ուրախ վազեցին դէպի դաշտը. իսկ աշունքագէժ նրանց բուրդը նորից դուրս եկաւ:

II. Մանուկներն ամբողջ ամառ ուրախ գուարթ խաղում էին: Չմեռն եկաւ և նրանք չրկարողացան առաջուայ պէս շուտ-շուտ դուրս վազել: Տխուր նստած էին լուսամուտների առաջ և նայում էին դէպի դուրս. դուրսն էլ ձիւնը քուլայ-քուլայ էր անում: Մայրը գնեց ոչխարի բուրդ, թել մանեց և փափուկ գուլպաներ ու թաթմաններ գործեց իր որդոց համար. յետոյ նա շալ գործեց և շալից

նրանց համար շորեր կարեց: Այնուհետև մանուկները տաք հագնուեցան, համարձակ դուրս վազեցին և ուրախ գուարթ սկսեցին ձնագնդի խաղալ:

13. ՄԱՐԴԻԿ, ԿԵՆԴԱՆԻՆԵՐ, ԲՈՅՍԵՐ, ՀԱՆՔԵՐ:

Մարդիկ՝ հայր, մայր, եղբայր, քոյր, հօր-եղբայր, քեռի, հօրաքոյր, մօրաքոյր, ծերունի, պառաւ, մանուկ, տղայ, աղջիկ, կին, վաճառական, աղքատ . . .



Կենդանիներ՝ գազաններ, թռչուններ, ձկներ, սողուններ, միջատներ, խեցգետիններ, սարդեր . . .

Բոյսեր՝ ծառեր, թփեր, հացաբոյսեր, խոտեր, բանջարեղէններ, սունկեր, մամուռներ:

Հանքեր՝ մետաղներ, քարեր, հողեր, աղեր:

Կաղնին ծառ է, իսկ մորենին թուփ է: Չին չորրոտանի կենդանի է, իսկ ծիծեռնակը: Բահը գործիք է, իսկ բազկաթո՞ղը: Գնդակը խաղալիք է, իսկ փլամը: Բանոնը դասական առարկայ է, իսկ մոլորձը: Բաղը թուշուն է, իսկ Օձը: Կաղամբը բանջարանոցի բոյս է, իսկ ցորենը: Առւոյտը խոտ է, իսկ սիսեռը: Երկաթը հանք է, իսկ բզէզը: Առիծը վայրենի զազան է, իսկ ուղտը: Տառեխը ձուկն է, իսկ գո՞րտը: Աղուէսը եւ խո՞զը. զարին եւ զինին. քաժակը եւ վէզը. սեղանը եւ զի՞րքը . . .

Աղքատը մարդ է. թո՞ւփը. թուշո՞ւնը. զի՞րքը. սամբուր. մանուշակը. երկաթը. եղբայրը. ծանրը. մամուռը. սո՞ւնկը, զազանը. թուշո՞ւնը. խո՞տը. ա՞ղը. հայրը. օրիորդը. մետա՛լը. մեղո՞ւն. հո՞ղը.

Առածներ:—Ինչ չի ծնում, նա չի մեռնում:—Երկաթը տաք-տաք կըծեժեն:—Ապրիլ կայ երկաթ է, ապրիլ կայ արծաթ է:

Հանելուկ:—Էն ի՞նչն է որ՝ առաւօտեան չորս ոտի վրայ է մանգալիս, ճաշին երկու, իսկ երեկոյեան՝ երեք:

Պատասխանուկ. Ծիտը ճմբան ծէրին, ծտի մուտի ճիտը ծուռ:

Պ Ս Ա Կ Ն Ե Ր

(Պարերգ)

Մէկ սիրտ լինինք և մէկ հոգի,
Միութիւնն է զարդը կեանքի.
Ինչ խաղի մէջ որ գոր լինինք,
Սէր-միութեան մենք պէտք ունինք:

Վարդէ պսակ.

Վարդ ծաղկին լինինք նման
Եւ օրինակ հեզութեան.
Թող վարդը հանգստանայ
Մեր մատաղ սրտի վերայ:

Կաղնեայ պսակ.

Կանաչ խոտը դաշտերի
Մեր սրտին է սիրելի.
Թող ճիւղը կաղնի ծառին
Պսակ լինի մեր գլխին:


Մանուշակէ պսակ.

Ազնիւ սիրուն մանուշակ,
Համեստութեան օրինակ,
Տուր մեզ ծաղիկ գեղեցիկ,
Քո քնքոյշ հոտ անուշիկ:

Բոլորը միասին

Սիրուն կանաչ պսակին
Թող միանանք, բարեկամք,
Եւ յոյսերը անբաժան
Մնան մեզնից յաւիտեան:





ՀԱՄԲԵՐՈՒԹԻՒՆԸ ԿԵՆՔ Է

Աքաղաղն ու հաւը եղբայրացան: Աքաղաղը գնաց այգին և խակ պտուղներ էր ուտում: Հաւն էլ ասում էր նրան. «Մի ուտիր, եղբայր, վնաս կրտայ, մի ուտիր»: Աքաղաղն ականջ չըզրեց. նա այնքան կերաւ, որ հագիւ կարողացաւ տուն հասնել:

Երբ տուն հասան, աքաղաղն սկսեց գանգատուիլ.

Վայ, քոյրիկ, փորս ցաւում է», ասում էր նա: Հաւը նրան անանուխի կաթիլներ խմացրեց, մանանեխ շաղախեց՝ փորին զրեց և ցաւն անցկացաւ:


Աքաղաղն առողջացաւ և գնաց դաշտը: Այնտեղ թռչկոտաց, վազվզեց և բոլորովին քրտնած՝ մօտեցաւ աղբիւրին, որ սառը ջուր խմէ: Հաւը խրատում էր նրան. «Մի անիր, եղբայր, ասում էր, սպասիր, քիչ հանգստացիր, յետոյ կըխմես»: Աքաղաղն ականջ չարեց նրան՝ սառը ջուրը խմեց, մրսեց և սկսեց դողացնել: Մեծ դժուարութեամբ տուն հասցրին նրան: Հաւը վագեց բժիշկ բերելու: Բժիշկն եկաւ և նրա համար դառը դեղ զրեց: Աքաղաղը երկար ժամանակ պառկած էր անկողնում:

Չմեռնաղէմ՝ աքաղաղն առողջացաւ և գնաց գետի ափը խաղալու: Գետը ծածկուած էր բարակ սառուցով: Նա կամեցաւ սղղալ սառուցի վերայ: Հաւն այս անգամ էլ խրատում է նրան. «Մի անիր, եղբայր, դեռ սառուցը բարակ է, կըկտորուի և կըխեղդուի», ասում էր: Բայց աքաղաղը չըլսեց և սկսեց սղղալ, խաղալ: Յանկարծ սառուցը կտորուեցաւ և մեր անհնազանդ աքաղաղն ընկաւ ջրի մէջն ու խեղդուեցաւ:

14. ՕՐՈՒՅՑ ՄԱՍԵՐԸ, ՉԱԲԼԹՈՒՅՑ ՕՐԵՐԸ, ՏԱՐՈՒՅՑ ԵՂԱՆԱԿՆԵՐԸ:

Օրուայ մասերը՝ ցերեկ, գիշեր, առաւօտ, կէսօր, երեկոյ, կէսգիշեր:

Շաբաթուայ օրերը՝ կիրակի, երկուշաբթի, երեքշաբթի, չորեքշաբթի, հինգշաբթի, ուրբաթ, շաբաթ:



Տարուայ եղանակները՝ գարուն, աշուն, աշուն, ձմեռ:

Գարունը տարուայ եղանակն է. ցերեկը. կիրակին. ամառը. երկուշաբթին. գեշերը. չորեքշաբթին. առաւօտը. քերքշաբթին. աշունը. ուրբաթը: Օրը ժամանակի չափ է. շաբաթը շաբաթուայ վերջին օրն է. ուրբաթը. հինգշաբթին. ձմեռը . . .

Առածներ:—Էսօրուայ բանը էգուց մի գցիր:—Էսօրուայ փուշը, էգուցուայ նուշը:—Վեց օր գործիր, եօթներորդ օրը հանգստացիր:

Հանելուկ:—Մի մանուկ կար զօրեղ, հրեղէն, խմեց հատորեց ջուրը գետից. բոլոր մարդկանց արաւ նա քէն՝ հնձեց վերցրեց խոտը դաշտից:

ԿԻՐԱԿՆԱՄՈՒՏ

Իրիկնաժամի զանգակը տուին,
Բարեպաշտ մարդկանց ժամ հրաւիրեցին.
Վազը կիրակի՝ Աստուծու օրն է,
Վերջացրէք գործերդ, հանգստեան ժամն է:
Լսեց գիւղացին դաշտումն այս ձայնը,
Դէպի տուն քչեց եզն ու գութանը՝
Գիւղական փոքրիկ պարզ եկեղեցին
Լցուած մարդիկը ազօթում էին.
Դառը քրտընքով գնած մոմերը
Սուրբերի առաջ մեղմ վառում էին:

ԵՐԲ Է Լ Ի Ն ՈՒՄ

Ձիւնը հալում է, խոտը կանաչում, ծառերը ծաղկում, օրը երկարում:—Այս երբ է լինում:
Ամիսներ անցան, օրեր տաքացան, ամպեր բարձրացան, անձրև թափեցին: Արտերն հասել են, հնձող են կանչում:—Այս երբ է լինում:

Մարդիկ դուրս եկան, այգին քաղեցին: Օրը կարճացաւ, հունձը վերջացաւ. բարակ անձրևը բարձրից է թափուում, և մութ գիշերը չորս կողմք բռնում:—Այս երբ է լինում:

Դաշտ ու ձոր ահա ձիւնով ծածկուեցան. ծառերից սառցէ շիթեր կախուեցան: Մարդիկ ներս մտան իրանց տները, իսկ գազանները—իրանց բները: Դուրսը սաստկութեամբ քամի է փչում և ձիւնի փոշիով աչքերդ լցնում:—Ասացէք, տեսնեմ, այս երբ է լինում:

Չ Ի Ի Ն

Երբ որ ձիւն կըգայ, ես կ'ուրախանամ,
Որ դուրս պիտ' ելնեմ, դահուկ պիտ' խաղամ...
Բայց տեղս սրբան աղքատ տղայք կան,
Որ տաք հալաւէ կարօտ կրմնան:

Չ Ո Ր Ս Յ Ա Ն Կ Ո Ւ Թ Ի Ի Ն

1. Չմեռն էր: Գետը ծածկուել էր սառուցով: Գարեգինը իր ընկերների հետ խաղում և սղղում էր հաստ սառուցի վրայ: Բաւական խաղալուց յետոյ՝ նա ուրախ-ուրախ տուն վազեց և ասաց հօրը. «Ա՛խ, հայրիկ, ինչ պատուական եղանակ է ձմեռը, սրբան ուրախութիւններ ենք աւնում մենք՝ ձնագնդի ենք խաղում, սղղում ենք սառուցի վրայ, սահնակներով զբօսնում ենք... Ա՛խ, ինչ կըլինէր, որ միշտ ձմեռ լինէր»: Հայրը հանեց ծոցի տետրակը և ասաց. «Գրիր սրա մէջ քո ցանկութիւնը»: Գարեգինը գրեց:

2. Չմեռն անցկացաւ: Գարունը եկաւ: Բացուեցան ծառերի ծաղիկները, բարձրացան դաշտերի խոտերը. ամենայն տեղ ոստոստում էին հազարաւոր թիթեռներ ու բըզէզներ: Գարեգինը դուրս գնաց դաշտը, ծաղիկներ քա-

զեց, թիթեունիկներ ըռնեց և երբ երեկոյեան տուն եկաւ, ասաց հօրը. «Պէտք է իմանաս, հայրիկ, թէ որքան ուրախացայ ես այսօր. ճշմարիտ, շատ հիանալի եղանակ է զարուհը և, եթէ ինձ մնար, ես կըրցանկանայի, որ միշտ զարուն լինէր»: Հայրը հանեց տետրակը և, առաջարկեց Գարեգինն, որ իւր ցանկութիւնը գրէ: Գարեգինը գրեց:

3. Ամառնացաւ: Գաշտերի խոտը հասել էր և հնձող էր կանչում: Գարեգինն ու հայրը գնացին խոտ հնձելու: Քանի որ հայրը վէր էր տալիս անուշահոտ խոտը, Գարեգինն իրան գուարճութիւններն էր կատարում՝ ձուկն էր բռնում գետից, հատապտուղներ էր հաւաքում, հոտաւէտ խոտերի վրայ պլորում էր: Երեկոյեան, տուն յետ դառնալիս, նա ասաւ հօրը. «Մնա այսօր ես անշափ ուրախացայ: Երանի թէ ամառը վերջ չունենար»: Գարեգինի այս ցանկութիւնն էլ գրուեցաւ տետրակի մէջ:

4. Վերջապէս եկաւ և աշունը: Այգիներում լաւ-լաւ պտուղները հասել էին խնձորը, տանձը, սալորը, սերկևիլը, խաղողը . . . Մարգիկ գուրս էին եկել այգեկութի: Գարեգինն էլ իր ծնողների հետ զնաց այգի և քաղն սկսեցին: Պէտք էր տեսնել, թէ ինչպէս էր վազվզում նա մէկ ծառի տակից զէպի միւսը, ծիծաղում, երգում, խաղում և պտուղները բերանը զցելով՝ անուշ անում: Վերջը նա վազեց հօր մօտ և, նրա պարանոցով փաթաթուելով, ասաց. «Հայրիկ, աշունը տարուայ ամենալաւ եղանակն է»: Այն ժամանակ հայրը հանեց փոքրիկ տետրակը և ցոյց տուեց, որ նա գարնան, ձմեռուան և ամառուան համար էլ միևնոյն բանն է ասել:

Պատմեցէք ձեր ըստերով այս պատմութիւնը. ասացէք, թէ րանի գլխաւոր կտորների կարող էք բաժանել սրան եւ ի՞նչ է ասուած իւրաքանչիւր կտորում:

Ա մի ս ն ե Ր՝ յունվար, փետրվար, մարտ, ապրիլ, մայիս, յունիս, յուլիս, օգոստոս, սեպտեմբեր, հոկտեմբեր, նոյեմբեր, դեկտեմբեր:

Չ մ ե Ր ա յ ի ն ա մի ս ն ե Ր՝ դեկտեմբեր, յունվար, փետրվար:

Ա մ ա Ր ա յ ի ն ա մի ս ն ե Ր՝ յունիս, յուլիս, օգոստոս:

Ա շ ն ա ն ա յ ի ն ա մի ս ն ե Ր՝ սեպտեմբեր, հոկտեմբեր, նոյեմբեր:

Գ ա Ր ն ա ն ա յ ի ն ա մի ս ն ե Ր՝ մարտ, ապրիլ, մայիս:

Յունվարը ձմեռային ամիս է, իսկ մայիսը... Սեպտեմբերը աշնանային ամիս է, իսկ փետրվարը... Մարտը գարնանային ամիս է, իսկ յունիսը... Յուլիսն ամառային ամիս է, իսկ հոկտեմբերը... Ապրիլը. օգոստոսը. դեկտեմբերը. նոյեմբերը . . .

Տարին քանի ամիս ունի. որն է առաջին ամիսը. որն է վերջինը: Ո՞րոնք են գարնանային ամիսները: Ասացէք ամառային ամիսները: Ո՞րն է աշնանային վերջին ամիսը . . . Ո՞րն է առաջինը, միջինը . . .



Մ Ա Յ Ի Ս

Մենք արժանացանք ուրախ մայիսին,
Ծառեր, ծաղիկներ ողջ կանաչեցին.
Կապույտ երկնքում փոքրիկ ամպերը
Ուրախ ու զուարթ առաջ վազեցին:

Տերեւատ ծառի ստուերների տակ
Թռչուններն իրանց երգերն են երգում,
Կանաչ դաշտերի փափուկ մարգերում
Պէսպէս կենդանիք ուրախ արածում:

Հ Ա Ն Ե Լ Ո Ի Կ

Ծեր Օհանը դաշտ դուրս եկաւ. նա շարժում էր թևերը
և նրանցից թռչուններ էր դուրս թողում: Օհանը շարժեց
չորս անգամ և դուրս արձակեց ընդամենը տասներկու
թռչուն: Երբ թռան գնացին առաջին երեքը, ցուրտն սկսեց,
գետերը սառեցան, մարդիկ մրսեցան:—Երբ թռան երկրորդ
երեքը, ձիւնը հալուեցաւ, խոտը կանաչեց, գետերը բարձրացան,
ծառերը ծաղկեցան:—Երբ դուրս թռան միւս երեքը, եղանակը տաքացաւ,
չոգ օրերն եկան, արտերն ու պտուղները հասան: Իսկ երբ դուրս
թռան մնացած երեքը, փչեց ցուրտ քամին, սկսան անձրևներ ու
մառախուղներ:—Ծերունու թռչունները հասարակ չէին. սրանցից
ամէն մէկն ունէր չորս թև. ամէն մէկ թևի վրայ եօթը փետուր,
իսկ փետուրների մէկ կողմը սև էր, միւսը ճերմակ: Ամէն
մէկ թռչուն, ամէն մի թևիկ և ամէն փետուր իր անունն
ունէր:

Աչքը եւ քիթը դէմքի մասերն են, իսկ ազոը եւ սրունքը:
Դաստակը եւ արմունկը ձեռքի մասերն են, իսկ կուրծքը եւ
փորը: Գլուխը եւ պարանոցը մարմնի մասերն են, իսկ սպիտակոցը
եւ ծիածանը: Բիւրը եւ արտեւանունքը աչքի մասերն են, իսկ
ատամներն ու լեզուն: Մարտը եւ ապրիլը գարնանային
ամիսներն են, իսկ սեպտեմբերը եւ հոկտեմբերը: Յունիսը
եւ յուլիսը ամառային ամիսներն են, իսկ յունվարը եւ
փետրվարը: Գայլը եւ արջը գազաններն են, իսկ ծառը եւ
խոտը: Սունկը եւ ծաղիկը բոյսերն են, իսկ աղը եւ
ւրկաթը: Սեղանը եւ պահարանը. արօրը եւ բրնձը. կաթը եւ
ջուրը. գրիչը եւ մատիտը. կիւրակին եւ երկուշաբթին.
գարունն ու ձմեռը...

Հ Ո Կ Տ Ե Մ Բ Ե Ր Ի Ն

Արևն իր ոյժը կորցրած՝
Ամպերի տակ ծածկուեցաւ,
Սաստիկ քամին ողջ ծառերի
Տերևները վէր ածաւ:

Զատ թռչուններ և թիթեռներ
Անյայտացան դաշտերից,
Ծառը շունի կանաչ տերև.
Նա զրկուած է իւր գարդից:

Երկնքումը ամպի քուլէքն
Անձրևներ են պատրաստում,
Անտառը իւր տերևներով
Առուն տխուր քշքշում:

Ինչի դաշտերի սողուններ
եւ վայրենի թռչուններ
Չտապում են իրանց համար
Մի ապահով տեղ գտնել:

Ս Ե Ղ Ո Ի Ն Ե Ր

Գարունն սկսուեցաւ. արեգակը հալեցրեց դաշտերի ձիւներ. հին՝ դեղնած խոտերի մօտ դուրս եկան կանաչ խոտի բողբոջներ. ծառերի կոկոնները բացուեցան և փոքրիկ տերեւներ առաջ բերին:

Ահա մեղուն էլ ձմերային քնից զարթեց, բրդոտ թաթիկներով աչերը սրբեց, ընկերներին զարթեցրեց և միասին դուրս նայեցին լուսամուտից, որ տեսնեն, թէ ձիւնը, սառուցը և հիւսիսային սառը քամին անցել են:

Մեղունները տեսնում են, որ արեգակը փայլում է, որ ամեն տեղ տաք է և լոյս. նրանք դուրս են գալիս փեթակից և թռչում են դէպի ծիրանի ծառը:

«Միրուն ծիրանի, չունիս մի բան խեղճ մեղուններիս համար. մենք ամբողջ ձմեռ քաղցած ենք»:

—Ո՛չ, պատասխանում է ծիրանի ծառը. դուք շատ շուտ էք դուրս եկել. իմ ծաղիկները դեռ ևս պահուած են կոկոններիս մէջ: Գնացէք, նշենուն հարցրէք:

Մեղունները թռան-գնացին նշենու մօտ: «Միրելի նշենի, արդեօք մի բան չունիս սոված մեղուններիս համար»:

—Վաղը եկէք, սիրելիք, պատասխանում է նրանց նշենին. այսօր ինձ վրայ ոչ մի բացուած ծաղիկ չկայ. իսկ երբ բացուին, ես մեծ ուրախութեամբ կընդունեմ ձեզ: Թռան մեղունները կակաչի մօտ, նայեցին նրա փայլուն գլխին, բայց նա էլ ոչ հոտ ունէր և ոչ մեղր:

Մեղունները տրտում և քաղցած կամենում էին յետ

զառնալ տուն, բայց տեսան թփի տակ մի քնքուշ մուգ կապոյտ ծաղիկ: Սա մանուշակն էր: Նա բաց արաւ մեղունների համար իր կոկոնները, որոնք լիքն էին անուշ հոտով և քաղցր հիւթով: Կերան, խմեցին մեղունները և ուրախ գուարթ յետ դարձան տուն:

Մ Ե Ղ Ո Ի

Հա՛, ծագեցաւ արեգակը,
Հա՛, ծաղկեցաւ մանուշակը,
Մեղուն թողեց իր փեթակը,
Տըզտըզալով-տըզտըզալով:

Մեղուն թռաւ ծաղկէ ծաղիկ,
Մեղը առաւ քաղցր-անուշիկ,
Մոմը տարաւ հոտոտ լուսիկ,
Գըզպըզալով-պըզպըզալով:

Անուշ մեղրը՝ մանր տղոց,
Դեղին մոմը՝ ամեն սրբոց,
Իսկ շարերին կըճ ու խայթոց,
Կըսկըծալով-կըսկըծալով:

16. Տ Օ Ն Ե Ր

Աստուածամօր Ծնունդը. Աւետումն. Քրիստոսի Ծնունդը և Մկրտութիւնը. Տեսնելը զառաջ. Ծագկազարդ կամ Քրիստոսի Գալուստը. Զատիկ կամ Սուրբ Յարութիւն. Համբարձումն. Հոգեգալուստ. Վարդավառ. Վերափոխումն Աստուածածնի. Խաչվերաց . . .

Առածներ:—Կարմիր ձուն գատիկն կըսաղի:—Տարին մի դատիկ, այն էլ նաւակատիր:—Ագոստի բերանով Վարդավառին ձիւն կըգայ:

Հ ա ն Ե Լ Ո ւ Կ ն Ե ր :— Երեք ոտքէն մէկ մօրուէն, կազնել
կուտէ մեր հօր քիսէն:— Երկար աղիք, ծայրը ծաղիկ:

Ն Ո Ի Ր Ի Ն

(Անձրեւաբեր)

Նուրին-նուրին եկել է,
Աջբա-հուրին եկել է,
Չիլա շապիկ հագել է,
Կարմիր գօտիկ կապել է:
Եղ բերէք՝ վարսը քսենք,
Ջուր բերէք՝ զլխին ածենք.
Մեր նուրինի փայլը տուէք,
Ուտենք, խմենք, քէֆ անենք:

Ճ Օ Լ Ի

(Արեւաբեր)

Ճօլի-ճօլի, ճօլ չըկայ,
Խաւիժ անեմ, եղ չըկայ,
Ճօլին ընկել է ծովը,
Ծովիցը հանող չըկայ:
Չուան բերէք՝ դուրս հանենք,
Թոկ բերէք կցան անենք,
Չու բերէք՝ թաթին գնենք,
Եղ բերէք՝ վարսը քսենք:
Խոփը պատումն է ժանգոտել.
Չեիչը տափումն է ժանգոտել.
Կանաչ դաշտերին ենք կարօտ.
Կարմիր արեւին ենք կարօտ:

Ճ 2 Ա Ն Ա Կ

(Զատկական երգ)

ՃՐՈ-ՃՐՈ, ճշանակ,
Աստուծոյ դուռը բանանք,
Դուրսը ժամ ասենք,
Ներս գանք՝ պատարազ անենք.
Սև եզր մատաղ անենք,
Գոգերը շարգախ անենք,
Տակը նստենք՝ քարգահ անենք:

ՍՈՒՐԲ ՍԱՐԳՍԻ ԵՐԳԸ

Ալէլուիա, ալէլուիա.
Հըրէս եկաւ մի ձիաւոր,
Լախտը ձեռին քաջ ձիաւոր,
Աջու ձեռին Աւետարան,
Չախու ձեռին սաղմոսարան.
Աջով գրէր, ձախով ջընջէր,
Չախով գրէր, աջով ջընջէր.
Բարեկամ, երեխայիդ անունն ի՞նչ է:
Չեր Յուակը թախտին նստի,
Փափուկ ձեռը ջէբը տանի,
Հինգ աբասին ջէբից հանի,
Սուրբ Սարգսին մատաղ անի:

ԾՆՆԴԵԱՆ ԵՐԳ

Ալէլուիա, ալէլուիա,
Զատիկը արեւուսով,

Ջրօրհնէքը ճրագ-լուսով,
 Թէ քնած էք, վեր զարթեցէք,
 Թէ զարթուն էք, լաւ լսեցէք.
 Մարիամ եկաւ լալով-լալով,
 Լալով-լալով մղկտալով,
 Լուսաթաթախ մանուկ ծնեց,
 Ծով ու ցամաք լուսով պատեց:
 Ձեր տունը է չորեքսիւնի,
 Չորս սիւներից ո՞րն է սալի.
 Սալը շարակամի սրտին,
 Ապրի բարեկամի որդին:
 Տունը շէն, տունը շէն.
 Ձեր տղայոց անունն ինչ է:
 — Շայկ ու Արամ է:
 Դրանք նստեն մէկ սեղանի,
 Դինի խմեն նախշուանի,
 Ձեր թշնամուն գետը տանի,
 Դայլ ազուաւը աչքը հանի,
 Մէկ պոչատ հաւ, մէկ ըստիլ եղ
 Տուէք՝ ալէլուիան տանի:

ԿԻՍԼԱՆՁԻ ԳԱՏՄՈՒԹԻՒՆԸ

I.

Լինում է-չի լինում մի պառաւ: Այս պառաւն ունե-
 նում է երեք տղայ՝ երկուսն առողջ, իսկ երրորդը պակա-
 սաւոր: Նրանք ապրում էին խեղճ-տղքատիկ: Մի օր պա-
 ռաւն ասում է որդոցը. «Միրելի որդիք, տեսնում էք՝ ինչ
 չքաւորութեան մէջ ենք, ինչ էք տանը նստաւել. գնացէք,
 աշխարհս մեծ է, մի գործ բռնեցէք, որ ձեզ համար գոնէ

մի կտոր հաց ունենաք»: Եղբայրները խորհրդի են նստում:
 Ինչ անեն, ինչ չանեն: Միջնակ եղբայրը մեծին ասաց.
 «Լսել ես, ապէք, ասում են, որ այս-ինչ անտառում մի
 վիշապ կայ, մեծ հարստութեան տէր. արի գնանք, սպա-
 նենք նրան և փողերը վեր առնենք»: Մեծ եղբայրը հա-
 մաձայնութիւն տուեց: Փոքր եղբայրը խնդրեց, որ իրան
 էլ հետները տանեն:

— Դու ինչի համար ես գալիս, Կիսլանջ, գլխներիս
 բնու լինելու. դու տանը կըմնաս, մօրդ կըմխիթարես, մինչև
 որ մենք յետ կըգանք, ասացին եղբայրները: Յետոյ իրանց
 մօրը մնաս բարով ասելով՝ նրանք ճանապարհ են ընկնում:
 Գնում են-գնում, շատն ու քիչն Աստուած գիտէ, հաս-
 նում են մի աղբիւրի, որի մօտից ճանապարհը երկուսի
 էր բաժանում. մեծ եղբայրը բռնում է մէկ ճանապարհը,
 միջնակը միւսը:

Գնում է-գնում մեծ եղբայրը և պատահում է մի հովուի:

— Բարի աջօրում.

«Աստուծու բարին»:

— Հովիւ եղբայր, եթէ այս ճանապարհը բռնած գնամ,
 այս-ինչ վիշապի բնակարանին չեմ հասնիլ:
 «Կըհասնես, բայց Աստուած ազատէ քեզ այդ բանից.
 Ինչ ունիս դու այն մարդակերի մօտ»:

— Լսել եմ որ մեծ հարստութեան տէր է. ուզում եմ
 սպանեմ և փողն ու հարստութիւնը վեր առնեմ:

Երբ այս խօսքերը լսեց բարի հովիւը, սկսեց քթի
 տակը փրնթփրնթալ.

«Ահա մի մահկանացու,

իդ գլխից ձեռք վեր առած,
 Դատարկ յոյսերից խաբուած,
 Կամենում է գո՛հ լինել
 Մեծ վիշապին մարդակեր»:

— Ի՛նչ ես ասում, հովիւ եղբայր, մի՛թէ կարծում ես, որ չեմ կարող սպանել վիշապին: Օ՛, դու ինձ չես ճանաչում:

«Այ մարդ, դիտես ինչ կայ, ասում է հովիւր. ես քեզ մի փորձ կառաջարկեմ. ես կրկնեմ իմ երկու սև այծերը, կաթնով կըլցնեմ այս կովկիթը, կըբրդեմ, առաջդ կըղնեմ, յետոյ կըհեծնեմ այծերիցս մինը և կըպտտեմ հօտի շուրջը. եթէ դու այդ միջոցին բոլոր կովկիթը դատարկած լինիս, կարող ես վիշապին յաղթել, եթէ ոչ՝ չես կարող»: Պառաւի տղան համաձայնեցաւ: Հովիւը կովկիթը լցրեց և ինքն սկսեց պտտել. բայց երբ եկաւ մեր ճանապարհորդի մօտ, նա կաթնաբրթոշի կէսն էլ չէր կերել: Այն ժամանակ բարի հովիւն ասաց նորան.

«Արի, եղբայր, մի՛ անիր,
Փորձուած հովուիս ականջ դիր,
Յետ դառ, գլուխդ ազատիր»:

Ականջ շարեց մեր ճանապարհորդը խեղճ հովուի խօսքին և առաջ գնաց: Գնաց-գնաց և պատահեցաւ մի ուղտապանի:

— Բարի աջողում:

«Աստուծու բարին: Օտար եղբայր, ո՛ւր ես գնում»:

— Գնում եմ այս ինչ վիշապին սպանեմ և նրա գանձը վեր առնեմ:

Ուղտապանն էլ՝ այս որ լսեց, սկսեց երգել.

«Անա՛ մի մահկանացու,
Իր գլխից ձեռք վեր առած,
Դատարկ յոյսերից խաբուած,
Կամենում է գոհ լինել
Մեծ վիշապին մարդակեր»:

— Ի՛նչ ես երգում, ուղտապան:

«Ես այն եմ երգում, որ դու կըգնաս, ինչպէս գնացել են շատերը և էլ յետ չես դառնալ՝ վիշապը ողջ-ողջ կուլ

կըտայ քեզ: Պէտք է դիտենաս, այ՛ օտարական, որ նա միայն կարող է մեծ վիշապի հետ կռիւ տալ, ով որ անայս ուղտին փչելով գետին կըգլորէ»:

Այս ասաց ուղտապանը և մի մեծ ուղտ քաշեց, մեր ճանապարհորդի առաջ կանգնացրեց: Պառաւի տղան ուզեց ցոյց տալ իր ոյժը—փչեց, փչեց, բայց ուղտը տեղիցն էլ չ՛շարժուեցաւ, ուր մնաց թէ՛ վէր ընկնէր: Այն ժամանակ բարեսիրտ ուղտապանը նորից սկսեց երգել.

«Արի, եղբայր, մի՛ անիր,
Ուղտապանիս ականջ դիր,
Յետ դառ, գլուխդ ազատիր»:

Ծիծաղեց մեր ճանապարհորդը բարի ուղտապանի վրայ և շարունակեց ճանապարհը: Գնաց, հասաւ վիշապի կացարանին: Դռան ճեղքից մտիկ արեց և տեսաւ, որ վիշապը նստած է, մի անագին կաթսայ առաջը դրած, ձեռքին էլ մի մեծ շերեփ. ճաշ էր ուտում:

Պառաւի տղան կանչեց.

«Վիշապ-վիշապ, դո՛ւրս արի,
Միմեանց հետ կռիւ անենք,
Բաց ու արձակ սրահում
Զօր-գօրի տանք, կոխ բռնենք»:

Չատ ուրախացաւ վիշապը, որ մի խեղճ աղամորդի իր ոտովն եկել է իրան դուռը և, առանց տեղիցը շարժուելու, ներսից պատասխան տուեց.

«Օտարական, քո ձայնից
Իմ սիրտս կըտրատուում է,
Բոլոր մարմինս երկիւղից՝
Ոտն ու ձեռս դողում է.

Աղաչում եմ, ինձ խղճա՛,
Մի՛ սպանիր շարաշար,

Մտիր, իմ բոլոր տունս,

Քեզ մատաղ է, վեր առ, տանք»:

Ճանապարհորդը խաբուեցաւ և միամիտ ներս մտաւ վիշապի սենեակը: Վիշապը բռնեց նրա վզակոթից և ներքնատան դուռը բանալով՝ ցած գլորեց: «Գնա, երգիր այդ տեղ մի առժամանակ, ասաց վիշապը. ես դեռևս մի քանի օրուայ պաշար ունիմ ուտելու»:

II.

Միւս առաւօտ վիշապը լսեց, որ մի ուրիշ մարդ էլ ծեծում է նրա դուռը և կանչում.

«Վիշապ-վիշապ, դուրս արի,

Միմեանց հետ կոխ անենք,

Բաց ու արձակ սրահում

Ջօր-գօրի տանք, կոխ բռնենք»:

«Այս ինչ բախտաւորութիւն է, մտածեց վիշապը. երբէք չի պատահել, որ մարդիկ իրանց ոտով իմ դուռը գան, իսկ հիմա մէկի տեղակ երկուսն են գալիս»:

Վիշապը ներսից պատասխանեց.

«Օտարական, քո ձայնից

Իմ սիրտս կտրատում է,

Բոլոր մարմինս երկիւղից՝

Ոտն ու ձեռս դողում է,

Աղաչում եմ, ինձ խղճա՛,

Մի սպանիր շարաշար,

Մտիր, իմ բոլոր տունս,

Քեզ մատաղ է, վեր առ, տանք»:

Անձանօթը հպարտ-հպարտ ներս մտաւ: Վիշապն ուղարկեց նրան իր եղբօր մօտ:

III.

Անցնում է մի քանի ժամանակ. մեր հովուի մօտ գալիս է մի մարդ, մի զարմանալի կիսլանջ մարդ, և հարցնում է, թէ այս ճանապարհով երկու օտարական շէն անցկացել: Հովիւը պատմում է, որ երկու անցւորական, իր խրատը չլսելով, գնացին դէպի մեծ վիշապի կացարանը, որ ինչ է, նրան սպանեն և փողն ու հարստութիւնը վեր առնեն, բայց, աւելացրեց հովիւը, նրանք արդէն վիշապին գոհ կը լինին եղած:

Գէս-մէջքանի, մի-կռնանի մարդը պատասխանեց.

«Այդ անցւորականներն իմ մեծ եղբայրներն էին. այժմ ես գնում եմ, որ նրանց վրէժն առնեմ»:

Բարի հովիւը ժպտաց և երգեց.

«Եղբայրներդ ջուխտ ձեռքով,

Լայն թիկունքով, հաստ վզով

Ինչ շահուեցան նրբանից,

Թէ դու, Գիսլանջ, ինչ շահուիս»:

Այնուհետև հովիւը Կիսլանջին էլ առաջարկեց իր պայմանը. կլթեց այծերը, կովկիթը կաթնով լցրեց, բրդեց և զրեց Կիսլանջի առաջ, իսկ ինքը հեծաւ այծերից մինը և սկսեց պտտել հօտի շուրջը: Որքան զարմացաւ հովիւը, երբ վերագառնալով Կիսլանջի մօտ, տեսաւ՝ որ նա կերել պրծել է և կովկիթն էլ լպլղտում է:

«Քսան տարի հովիւ եմ,

Չատ մարդիկ եմ ես տեսել,

Չատ մարդիկ հէնց այս փորձով

Ես ճանապարհ եմ գրցել.

Բայց այսպիսի մի զարմանք,

Ո՛չ տեսել եմ, ո՛չ լսել»:

«Գնա՛, եղբայր, համարձակ,
Աստուած քեզ հետ, կարող ես
Չար վիշապին սպանել,
Փողն ու գանձը վեր առնել»:

Առաջ գնաց մեր Կիսլանջը և պատահեցաւ ուղտապանին:
— Բարի աշողում, ուղտապան եղբայր, այս ճանա-
պարհով երկու օտարական չէն անցկացել:

— Անց են կացել, պատասխանեց ուղտապանը. ողոր-
մելիքը գնում էին մեծ վիշապին սպանելու, բայց չէին
խմանում, որ իրանց պէս հարիւրաւոր մարդիկ գնացել են
և չեն վերադարձել:

Կէս-մէջքանի, մի-կունանի մարդը պատասխանեց.

«Իրանք եղբայրներս էին. այժմ ես կրգնամ և նրանց
արեան վրէժը կառնեմ»:

— Օհօ, բացագանչեց ուղտապանը և երգեց.

«Եղբայրներդ ջուխտ ձեռքով,
Լայն թիկունքով, հաստ վզով
Ի՛նչ շահուեցան նրանից,
Թէ դու, Կիսլանջ, ինչ շահուիս»:

Այնուհետև ուղտապանն էլ առաջարկեց Կիսլանջին իր
պայմանը. մէկ ուղտ բերեց, կանգնացրեց Կիսլանջի մօտ և
առաջարկեց, որ նրա վրայ փորձէ իր ուժը: Կիսլանջն այնպէս
փչեց, որ ուղտը հինգ գազ յետ ու յետ գնաց ու վէր ընկաւ:

Ուղտապանը զարմացաւ և ասաց.

«Չատ տարի է ուղտապան,
Չատ մարդիկ եմ ես տեսել,
Չատ մարդիկ հէնց այս փորձով
Ես ճանապարհ եմ գրցել.
Բայց այսպիսի մի զարմանք
Ոչ տեսել եմ, ոչ լսել»:

Գնա՛, եղբայր, համարձակ,
Աստուած քեզ հետ, կարող ես
Չար վիշապին սպանել,
Փողն ու գանձը վեր առնել»:

Գնաց մեր Կիսլանջ բարեկամը, վիշապի տուն հասաւ,
դուռը ծեծեց և կանչեց.

«Մարդակեր վիշապ,
Գազան ամեհի,
Հերիք անպատիժ
Մատնես մեզ մահի,
Հընչեց քո ժամը՝
Ժամ օրհասական,
Ես վերջ պիտ' զնեմ
Կեանքիդ անպիտան».

Զարմացաւ վիշապը այս յանդուգն խօսքերի վրայ,
բայց ուզեց Կիսլանջին էլ խաբելով ներս կանչել:

«Ո՛վ ես դու, տէր իմ,
Մարդ ես, թէ վիշապ.
Չայնրդ է ուժգին,
Խօսքերդ սարսափ.
Բայց ով էլ լինիս,
Պատրաստ եմ անա՛ —
Բաւ է որ կամիս —
Գու տէր, ես ծառայ»:

Խելօք Կիսլանջը շխաբուեցաւ և նորից կանչեց.

«Խարդախ ձեերով
Չատ մարդ ես խաբել,
Չատին ներս տարել,
Մորթել ու լափել.
Բայց էլ հերիք է,
Գէտք է որ դուրս գաս.

Գլուխըս վըկայ,

Պիտ' լինիս մաս-մաս»:

Բարկացաւ վիշապը և կատաղած դուըս վագեց, որ յանդուգն մարդու մեծ պատառը ականջը թողի: Վիշապը գլուխը դուըս հանեց թէ չէ, Կիսլանջի լղբանոց թուըը պսպղաց և վիշապի գլուխը երկու կէս եղաւ: Սարի նման դագանը վէր ընկաւ, սատկեցաւ: Կիսլանջը ներս մտաւ վիշապի բնակարանը: Նա պտտեց բոլոր սենեակները, ամեն քունջ ու պուճախ նայեց, բայց եղբայրներին չգտաւ: Երկիւղը պտտեց բարի Կիսլանջի սիրտը՝ մի գուցէ չար դագանն արդէն լափել է նրանց: Կիսլանջն սկսեց ձայն տալ, կանչել: Այդ ժամանակ ոտների տակից մի խուլ հառաչանք լսեց: Յաժ նայեց և յատակի վըայ դուան պէս մի բան տեսաւ, շտապով բարձրացրեց այդ դուըը, ականջ դրեց և պարզ կերպով լսեց եղբայրների ձայնը, որոնք օգնութիւն էին կանչում: Կիսլանջը ցած թռաւ իսկոյն և յայտնեց եղբայրներին, որ դագանին սպանել է: Նրանք իրար փաթաթուեցան, մէկ-մէկու համբուրեցին և ճաշեցին միասին: Ճաշելուց յետոյ բոլոր տունը պտտեցին, ման եկան, մառանի յատակի տակ մի հոր գտան. սա դագանի խագնահորն էր: Կիսլանջի կոնատակերից թոկ կապեցին և ցած թողեցին հորը: Հորի մէջ անթիւ ոսկի կար: Կիսլանջը առաջ մեծ եղբօր պարկը լցրեց, դուըս քաշել տուեց, յետոյ երկրորդինը և յետոյ իրանը: Երբոր ոսկով լիքը պարկերը դուըս էին հանած, Կիսլանջը կանչեց, որ թոկը ցած թողեն, մէջքիցը կապի ու իրան էլ դուըս քաշեն, կանչեց Կիսլանջը, ձայն տուեց. պատասխան չկայ, մարդ չկայ...

Կիսլանջի եղբայրները թողեցին իրանց ազատողին հորի մէջ, վեր առան ոսկով լիքը պարկերը և ճանապարհ ընկան դէպի տուն: Բայց Կիսլանջը հորի մէջ չմեռաւ. նա ոտնատեղեր շինեց հորի պատերի վըայ և, շատ չարչարուելուց յետոյ,

դուըս եկաւ: Ոսկով լիքը պարկը դրած էր հորի մօտ: Կիսլանջը շալակեց պարկը և շտապեց, որ եղբայրներին հասնի: Գնաց, տեսաւ, որ նրանք պարկել են մի ծառի տակ ու քնել: Կամաց-կամաց մօտեցաւ, զգուշութեամբ վեր առաւ նրանց պարկերը, տարաւ, թափեց միջի ոսկին մի ապահով տեղ, մանր խճաքարով լցրեց պարկերը և բերեց իրանց առաջուայ տեղը դրեց ու ինքը թագկացաւ: Եղբայրները վեր կացան, վեր առան պարկերը և ճանապարհ ընկան դէպի տուն: Կիսլանջն էլ գնում էր նրանց յետևից: Երբոր մեր ապերախտները տուն հասան, դուըը ծեծեցին և ասացին.

«Մայրիկ-մայրիկ, դուըը բաց, վիշապին սպանեցինք, նրա ոսկին պարկերով շալակած այստեղ բերինք»:

Պառաւը ոսկու ձայնը որ լսեց, ուրախ-ուրախ դուըս վագեց, որդկերանցը համբուրեց, յետոյ շտապեց, մեծ տաշտը բերեց և ինչ դատարկեց—խիճ: Եղբայրները փայտի պէս սառած մնացին: Այդ ըոպէին հերթիցը մէկը ձայն տուեց.

«Մայրիկ-մայրիկ, դուըը բաց.

վիշապին սպանեցի,

նրա ձեռքից ես դրանց

Ողջ ու առողջ փրկեցի.

Բայց դրանք ինձ խաբեցին՝

Ուզելով ինձ սպանել,

Հորի մէջը թողեցին:

Այլ Աստուած էր օգնական,

Ինձ այն հորից ազատեց,

Դրանց պատիժն էլ տուեց—

Պարկերը խիճով լցրեց:

Սակայն դրանց, մայր, ներիր,

Եւ տանից մի դուըս անիր»:

Մայրը գրկեց բարեսիրտ ու մեծահոգի Կիսլանջին և նրա համար ձուածեղ արեց:

ՏԵՐՈՒՆԱԿԱՆ ԱՂՕԹՔ

Հայր մեր՝ որ յերկինս ես, սուրբ եղիցի անուն քո. եկեսցէ արքայութիւն քո. եղիցին կամք քո որպէս յերկինս և յերկրի. զհաց մեր հանապազորդ տուր մեզ այսօր, թող մեզ զպարտիս մեր, որպէս և մեր թողումք մերոց պարտապանաց և մի տանիր զմեզ ի փորձութիւն, այլ փրկեա զմեզ ի շարէ, զի քո է արքայութիւն և զօրութիւն և փառք յաւիտեանս ամէն:

ՄԱՆՈՒԿՆԵՐԸ ԵՒ ԹՌՉՆԱԿԸ

«Սիրուն թռչնակ, բռնուեցար,
Յանցից չես ազատուիլ.
Ոչինչ բանով աշխարհում
Քեզնից չենք բաժանուիլ»:

—Ա՛խ, ձեր ինչին եմ պէտք ես,
Սիրելի մանուկներ.
Թողէք ինձ ազատ թռչիմ,
Բացէք ցանցիս դռներ:

«Զէ, չէ, թռչնակ, չենք թողիլ,
Դու մեզ մօտ կըմնաս.
Մենք քեզ շաքրէ հաց կըտանք,
Կուտես, կ'ուրախանաս»:

—Ա՛խ, շաքրէ հաց չեմ սիրում,
Քաղցրեղէն չեմ ուտում.
Թողէք, դաշտի մորեխներն
Չաքրից լաւ եմ հաշում:


«Այնտեղ դաշտում ձմեռը
Դուցէ ցրտից մեռնիս,
Իսկ մեզ մօտ ոսկուց շինած
Վանդակի մէջ կապրիս»:

—Օ՛, մի վախէք՝ ձմեռը
Տաք կողմեր կըթռչեմ,
Իսկ բռնուած դրախտն էլ
Ինձ բանտ կըհամարեմ:

«Թռչնակ-թռչնակ, մենք ինչպէս
Քեզ կըփայփայէինք.
Զէինք թողնիլ, որ տխրես,
Միշտ կ'ուրախացնէինք»:

—Հաւատում եմ, բայց ձեր սէրն
Ինձ միշտ կըվնասէր,
Որովհետեւ այդ կերպով
Աչքս յաւիտեան կըփակուէր:

«Ճշմարիտ է, ո՛վ թռչուն,
Կերութեան չես տանիլ.
Աստուած քեզ հետ, զէ՛հ, թուիր,
Ազատ, ուրախ եղիր»:



ԲՈՎ ԱՆԴԱԿՈՒԹԻՒՆ

	Յառաջարան	4 երես
I.	1. Այբբենական մասն	1—19
	2. Գրչագիր այբուբենը	4 երես
II.	Բարոյակրթական առակներ և մանրիկ ոտանաւորներ	20—31
III.	Առարկայական դասերի և իրազննութեան նիւթը գրքի երկրորդ կիսամեակում:	
	1. Գասական առարկաներ և խաղալիք	33
	2. Ուտելիք և խմելիք	36
	3. Չինութիւններ, նաւեր, կառքեր	39
	4. Գործիք և սարք	42
	5. Կարասիք և ամաններ	44
	6. Կենդանիներ	48
	7. Բոյսեր	51
	8. Հանրիք	55
	9. Մարդու մարմնի անդամները	57
	10. Ձեռների, ոտների, բնի մասերը	59
	11. Աչքի, բերանի, դաստակի, դարչապարի մասերը	61
	12. Հինգ զգայարանք	65
	13. Մարդիկ, կենդանիներ, բոյսեր, հանքեր	67
	14. Ժամանակի չափերը	71
	15. Ամիսներ	75
	16. Տօներ	79
IV.	Գրաւոր աշխատութեան համար առաջարկուած նիւթեր. երես 33, 36, 40, 42, 45, 49, 53, 56, 58, 59, 62, 65, 68, 72, 75, 77.	
V.	Առաձներ և ասացուածներ՝ 33, 36, 40, 43, 45, 50, 53, 55, 57, 61, 65, 68, 69, 79.	
VI.	Հանելուկներ և շուտ-ասելուկներ՝ 34, 36, 40, 42, 45, 50, 53, 55, 58, 62, 65, 68, 72.	

VII. Նկարագրական և պատմողական յօդուածներ.

1.	Գասատուն	35
2.	Ջոկ ջոկ և միասին	35
3.	Հաց և ջուր	37
4.	Աղօթք	38
5.	Գիւղացին և վարունգը	41
6.	Տուն	41
7.	Խնդիր առակաձև	41
8.	Մեր ընտանիքը	43
9.	Վախկոտ Յովհաննէսը	43
10.	Աթոռ և գաւաթ	45
11.	Սեղու և ճանճ	46
12.	Երկու արագազ	50
13.	Օձ	51
14.	Աղուէսն ու ճագարը	54
15.	Յորեն և գարի	54
16.	Ոսկին և երկաթը	56
17.	Ոգնին և գայլը	58
18.	Երկու հովիւ	59
19.	Ուլերն ու գայլը	60
20.	Ծոյլը և ջանասէրը	62
21.	Արջի թաթը	64
22.	Կաղն ու կոյրը	66
23.	Ոչխար	66
24.	Համբերութիւնը կեանք է	70
25.	Երբ է լինում	72
26.	Չորս ցանկութիւն	73
27.	Հանելուկ	76
28.	Մեղուներ	78
29.	Կիտանջի պատմութիւնը	82
30.	Տիրունական աղօթք	93

VIII. Մանկական ոտանաւորներ

1.	Ուտումնարան	34
2.	Արագազ	37
3.	Նապաստակ	40
4.	Առաւօտեան աղօթք	43



5. Արև	45
6. Մեղու և ճանճ	48
7. Պառան ու այծը	50
8. Մանուշակ	53
9. Անձրև	54
10. Գառն ու մայրը	57
11. Երեկոյեան ալօթք	58
12. Ձիւն	61
13. Երկու և մի	62
14. Որբի պահողն Աստուած է	63
15. Առաւօտ	66
16. Պսակներ	68
17. Կիրակնամուտ	72
18. Ձիւն	73
19. Մայիս	76
20. Հոկտեմբերին	77
21. Մեղու	79
22. Նուրին	80
23. Աօլի	80
24. Աչանակ	81
25. Ծննդեան երգ	81
26. Թռչնակ	93

ՋԱՆԵՂՈՒԿՆԵՐԻ ԲԱՅԱՏՐՈՒԹԻՒՆՆԵՐԸ

Երես

- «34»—I. Փետուրէ գրիչ: II. Հոլ (բզզան):
- «36»—I. Չու: II. Ջուր, դետ:
- «40»—I. Մեղրահաց (բճիճ): II. Կառքի անիւները:
- «43»—I. Հրացան:—II. Թուր, դաշոյն:
- «45»—I. Մեղան:—II. Հեշտաեռ (սամալար):
- «50»—I. Կրիայ:—II. Փիղ:
- «52»—I. Թուր:—II. Հացահատիկներ:—III. Նուշ:
- «55»—I. Ոսկի և արծաթ:—II. Ոսկի:
- «58»—I. Բերան, ակամջներ, աչեր:—II. Քիթ:
- «62»—I. Բերան և սաամներ:—II. Չոռներ, ոտներ, լատներ:
- «65»—I. Կարգալ-գրել:
- «68»—I. Մարդը՝ մանկական, այրական և զառամեալ հասակում:
- «72»—I. Արեգակ:
- «80»—I. Արագ և ճրագակայ:—II. Մամ:



ՆԻԿՈՂԱՅՈՍ ՏԵՐ-ՂԵՒՈՆԳԵԱՆԻ ՀՐԱՏԱՐԱԿՈՒԹԻՒՆՆԵՐԸ

1. Ազայեանց՝ Ուսումն Մայրենի Լեզուի, ա. տարի . 25 կ.
2. » Ուսումն Մայրենի Լեզուի, բ. տարի , 40 կ.
3. » Ուսումն Մայրենի Լեզուի, գ. տարի . 55 կ.
4. Գէորգ-Քէզեան՝ Ժողովածու թուար. խնդ. Ամբ. թուեր 40 կ.
5. Մանգինեան՝ Նահապետական Աշխարհ . 60 կ.
6. » Ընտանեկան Աշխարհ . . 25 կ.
7. » Գիւցազնական Աշխարհ . . 25 կ.
8. » Հենչէլի՝ բանաւոր և գրաւոր հաշուելու
» խնդիրներ, առաջին և երկրորդ տարի 40 կ.
9. » Բանաւոր և գրաւ. հաշու. խնդ. գ. տարի 50 կ.
10. Տէր-Ղևոնդեան՝ Մայրենի Լեզու, առաջին տարի . 35 կ.
11. » Մայրենի Լեզու, երկրորդ տարի . 40 կ.
12. » Մայրենի Լեզու, երրորդ տարի . 50 կ.
13. » Մայրենի Լեզու, չորրորդ տարի . 65 կ.
14. » Մայր. Լեզուի. բաց. ձեռ. ա. տար. սպառ.
15. » Մայր. Լեզուի քերականութ. տարերբը,
» մասն առաջին . . . 30 կ.
16. » Մայրենի լեզուի քերականութեան
» տարերբը, մասն երկրորդ. . (սպառ.)
17. » Հայորդի՝ Սրբազան պատմ. Հին Կտակ. 50 կ.
18. » Սրբազան պատմ. Նոր Կտակարանի 50 կ.

Գիմիլ՝ Въ Центральную книжную торговлю,
въ Тифлисѣ.

2075 4583
« Ազգային գրադարան



NL0062646

